


MOHLAHLI

 Morena a go šegofatše, Ngwanešu Neville.

Ke thabile kudu go ba morago ka kerekeng bošegong bjo. E no ba gannyane makgwakgwa a mannyane. Mohuta wa Molaetša wo motelele mosong wo, gomme ka nnete ke thabile O bile fa, go le bjalo. Gomme ke ipshinne ka Wona ka bonna, go O tliša, gomme ke a holofela le ipshinne ka go O kwa. [Phuthego e re, “Amene.”—Mor.]

² Le seke la lebala bjale, ka mehla elelwang se, gore tše ke dilo tše di agago modiredi wa Kriste. Le a bona, tumelo pele, ka gona bokwala. Gomme bjale elelwang, Moya wo Mokgethwa o ka se kgone go tswalela moago wa Modimo go fihla ge dilo tše di šoma ka Moya. Go sa kgathalege gore le dira eng, le a bona. Tše ke dilo tše di agago Mmele wa Kriste, le a bona, dilo tše. Bjale, le seke la lebala seo, gore se *fa* ke sa pele, ke tumelo ya gago. Bokwala, tsebo, le go ya pele, e swanetše go oketšwa go yona, go fihla ge seemo se se feletšego sa Kriste se dirwa go bonagatšwa, ka gona Moya wo Mokgethwa o tla godimo ga sona gomme wa se tswalela bjalo ka Mmele o tee. Dilo tše di swanetše go ba. Ka fao, Jesu o rile, “Ka dikenywa tša bona ba a tsebja.” Le a bona, dikenywa! Le be le ka se kgone go enywa dikenywa ka ntle le dilo tše gore e enywa ka go lena. Gomme ka gona ge ka moka se se tšea sebaka sa boselefase le—le bohlokamodimo, le go ya pele, gona ka moka go se dumele go rakelwa ka ntle, gona ka moka dilo tša lefase di fetile go tloga, gona ga go selo ge e se sebopiwa se seswa ka go Kriste. Gomme ka gona Baefeso 4:30 e re, “Le seke la nyamiša Moya wo Mokgethwa wa Modimo, wo le tswaleletšwego ka wona go fihla letšatšing la topollo ya lena.” Le tswaleletšwe ka Mmušong wa Modimo! Bjale, le seke la lebala seo. Bolokang seo ka kgopolong bjale, go tšea dilo tše pele. Ka gona go tswalela ke Moya wo Mokgethwa, Setswalelo se se re tswalelelago ka Mmeleng. Tšohle gabotse.

³ Re na le kgo—kgopelo bjale ya Kgaetšedi Little, wa Chicago, monna wa gagwe o bile ka kotsing ya sefatanaga gomme o robetše feela mo ntlhaneng ya lehu, Kgaetšedi Little. Gomme Edith Wright, kgaetšedi wa rena yo monnyane fa yo re mo tsebilego botelele, o ga kudu, ga kudu mo go šiišago, ka gae ga gagwe bošegong bjo, gomme ba be ba nyaka go bega se go kereke gore re kgone ka moka go rapelela mmogo kgopelo ye. Gomme bjale a re inamišeng dihlogo tša rena lebakanyana feela.

⁴ Wa rena yo bohlokwa, Tate wa Legodimong, re kgobokane go dikologa (ka tumelo) Terone ya Modimo, gomme re kgopela mogau wo Mokgethwa bakeng sa dikgopelo tše. Ngwanešu

Little, kotsi ya koloi, kgauswi le lehu. Modimo, mo thuše. A nke Moya wo Mokgethwa o be lehlakoring la mpete wa gagwe gomme o mo tliše morago go rena, Morena. Gomme Edith Wright yo monnyane tlase kua, ke a rapela, Modimo, gore Moya wo Mokgethwa o tla ba ka lehlakoring la mpete wa gagwe bošegong bjo gomme o tla bušetša pholo ya gagwe go yena gape. E fe, Tate. Wena o tshephišitše dilo tše, gomme re a di dumela. Gomme bjalo ka ge re be re nagana mosong wo, gore bokgole ga bo re selo go Wena, Wena o no ba bjalo ka karolo e tee ya lefasekgolo bjalo ka ge Wena o le ye nngwe, ka baka la gore Wena o motlalagohle, o mokgonatšohle, gomme ke wa go sa felele. Gomme re a rapela, Tate, gore Wena o tla fa dikgopelo tše ka Leina la Jesu Kriste. Amene.

⁵ Ke thabile kudu go ba ka gare bošegong bjo gape, go . . . Gomme ke a tseba go a fiša. Tše ke dikopano tše tharo tša thwi, gomme ke . . . ke a tseba ba bangwe ba lena ba na le bontši bjo e ka bago dimaele tše makgolo tlhano ba swanetšego go di otlela magare ga bjale le mosong. Gomme go thoma ka morago ga bosasa, ke na le makgolo a lesomenne go otlela ka morago ga fao. Ka fao, ka fao ke—ke a holofela gore e bile nako ye kgolo go lena ka moka. Gomme e bile nako ye kgolo go nna go le etela. Fao go na le selo se se tee seo re se kgopetšego, ba bantši ba ile ba swanelwa ke go bušetšwa morago ka gore ga go na le kamora, re ka se kgone go katela mekgobana kudu, kgoro ya tša mollo e ka seke ya ema ya homola ka seo. Ka fao re a leka bjale go hwetša kereke ye kgolonyana ga nnyane, gore ge re le ka gare, gomme re ka kgona go ba le kamora ya go dula batho.

⁶ Gomme bjale, nako ye nngwe le ye nngwe, ka mehla le amogetšwe fa tabarenekeleng, fao re se nago thutotayo eupša Kriste, go sego molao eupša lerato, go sego puku eupša Beibele. Gomme ka fao . . . Gomme modiša wa rena ke Ngwanešu Orman Neville fa. Gomme re na le phuthego fa ya—ya batho ba bantši ba ba kopanago ka gore bjale ba tabarenekele ya mohlakanelwa wa dikereke tša maina, fao o tlogo fa gomme wa direla Modimo go ya ka ditlahlo tša letswalo la gago mong. Ka mehla re a thaba go ba le wena. Gomme ka fao e tla ge o kgona, ka mehla re a thaba go go amogela.

⁷ Gomme bjale nako ye e latelago, bokgole bjo ke bo tsebago, go ba le lena, e tla ba ka morago ga ge kereke e fedile. Gomme ke a nyaka nako yeo, ka morago ga *Mabaka a Dikereke*, fao gomme re nyaka go ya ka gona go *Mahuto* a šupa a mafelelo, gomme *Mahuto* a šupa a mafelelo ka Pukung ya Kutollo, go ruta Ao.

⁸ Gomme bjale fao go na le dinako tše ntši kudu tšeo balwetši le batlaišwa ba tlogo, gomme lebakeng la dikopano tše, fao dipono di nyakegago, gomme ba tlela poledišanotsenello yeo e ikgethago. Ge nka tsena ka go seo, gona ga—ga ke kgone go hwetša phapano magareng ga bona, gomme, aowa, ke mo go thata go nna go bolela ka morago

ga seo. Gomme yo mongwe le yo mongwe o a tseba gore ka go dikhampeine tša rena tša phodišo, gore Mna. Baxter goba yo mongwe o fela a dira thero, gomme ke tla ntle go rapelela balwetši, ka baka la gore go boima ga nnyane. Gomme ke be ke rapelela batho dinako di se kae tša go feta, gomme ka gona ka kopana le lesea le lengwe fa go dingaka. . . se sengwe ka mokokotlong wa lona, le belegwe ka tsela ye nngwe. Ge ke tšwela ka ntle, ka le bona le dutše ka koloyaneng. Lesea lela le ka seke la be le golofetše ka mokgwa wola, le ya go ba gabotse. Nnete, le ya go ba, le a bona. Seo, ke tseba seo. Le a bona, ke na le bonnete bja seo. Ka fao re nyaka go ba le tumelo ya rena gomme re dumele go Modimo.

⁹ Yo mongwe le yo mongwe wa lena, gomme ba bantši ba lena le basetsebe go nna, ka moka badiredi le go ya pele. Ge ke sa phošē, yo ke Ngwanešu Crase. A seo ke therešo? Ngwanešu Crase, ke—ke go kolota tshwarelo, ya go se tle godimo kua go neelo yela. Mohlomongwe ke tla tla godimo kua go kopano ya mafelelo a beke, go tla ba mo go botse. A seo se gabotse? Godimo ka Bloomington. A o dira gabotse? Botse. Ba bangwe ba banabešu fa ke badiredi, ke a nagana. O modiredi? Eye, mohlomphegi. Morena a go šegofatše. Gomme ke ba bakae badiredi ba ba lego ka moagong, a re boneng seatla sa lena. Go lokile, seo e no ba se sekaone. Re thabetše go ba le lena fa, re no thaba kudu. Modimo a no fela a le šegofatša!

¹⁰ Bjale, gore re tle re kgone go tšwela ka ntle e sale ka pela ka nnete, ba bangwe ba bona ba ya Georgia, Tennessee, New York, mo gohle, go tloga bošegong bjo, go thoma bošegong bjo. Bjale, oteleng ka tlhokomelo tseleng. Ge o otsela, o sa nyake go ya ka motheleng, tepogela ka thoko ga tsela gomme o robale go fihla o. . . Yeo ke ka tsela ye ke dirago. Le a bona, e no tepoga gomme o robale. O seke, o seke wa otlela mola o otsela. Ke selo se sebe. Gomme, elelwa, ga se wena, ke moisa yo a latelago yo o swanetšego go mo hlokomela. Le a bona? O tseba mo o yago, ga o tsebe mo a yago, ka fao—ka fao o swanetše go mo hlokomela mothaka yoo. Ka fao, e ba le bonnete gore o phafogile nako ka moka, go e hlokomela.

¹¹ Bjale, ke rata go bala bošegong bjo karolo ya Lengwalo e hwetšwago ka kua ka Pukung ya Mokgethwa Johane. Bjale, Mangwalo a manyane a ao re a balago le go šupa go wona, a swanetše go re fa motheo wa seo re lekago go se bolela. Gomme ka mehla, ga se nke le ka nako e tee, ge ke elelwa, gore nkile ka tla phuluphiting, go leka go no bolela selo se sengwe go no bolela. Ka mehla ke leka go leta, ka hlokomela, ka ithuta, ka rapela, go fihla ke ikwela gore ke na le selo se sengwe seo se kago go thuša batho. Ge nka se kgone go ba thušo, gona ga go bohlokwa go nna go ba ke eme fa, le a bona. Ke, go leka go thuša! Gomme bjale bošegong bjo, ka therešo, karolo ye kgolwane ya lešaba la rena e tšwetše ntle go tloga mosong

wo, gomme ba ile ba swanelwa ke go ya gae, bontšhi bja bona. Eupša, bošegong bjo, ke le boditše gore ge le ka šala kuanore tla leka go ka ba le polelo e ka bago masomenne tlhano a metsotso ka selo se sengwe seo ke holofelago gore se tla re thuša. Gomme re ya go thekga se godimo ga Mokgethwa Johane, 16 tema, gomme a re thomeng e ka ba ya—ya 7 temana ya 16 tema, gomme re bale go kgabola ya—ya 15 temana.

Go le bjalo Ke le botša therešo; Go a le hola ge Ke tloga: ka gore ge Ke sa tloge, Mohumotši a ka seke a tla go lena; eupša ge Ke sepela, Ke tla mo romela go lena.

Gomme yena ge a tlile, o tla sola lefase ka sebe, le ka toko, le ka kahlolo:

Ka sebe, ka baka la gore ga ba dumele go nna;

Ka toko, ka baka la gore Ke ya go Tate wa ka, gomme ga le sa mpona gape;

Ka kahlolo, ka baka la gore mmuši wa lefase le o ahlotšwe.

Ke sa na le gape dilo tše ntši go le botša, eupša le ka se kgone go di rwala bjale.

E tlo re ge yena, Moya wa therešo, a tlile, o tla le hlahlalela ka therešong ka moka: ke gore yena a ka se bolele tša gagwe mong; eupša eng kapa eng ye a tla bago a e kwele, yeo yona o tla e bolela: gomme o tla le laetša dilo tše di tlogo.

Ka fao, yena o tla ntagafatša: ka gore yena o tla amogela go nna, gomme o tla se laetša go lena.

Ka moka dilo tše tšeo Tate a nago—nago natšo ke tša ka: ka fao Ke boletše, gore o tla tšea go nna, gomme o tla se laetša go lena.

¹² Bjale ka go ye ya 13 temana. “E tlo re ge Moya wa Therešo o tlile, Yena o tla le hlahlalela go Therešo ka moka. Ge Moya wa Therešo o tlile, Yena o tla le hlahlalela go Therešo ka moka.” Na Therešo ke eng? Lentšu. “Ka gore Yena o tla bolela, Yena a ka seke a bolela ka Boyena; eupša seo Yena a se kwago, Yena o tla se bolela. Seo Yena a se kwago, Yena o tla se bolela.” Ka mantšu a mangwe, Yena o tla ba yo Motee yo a tlogo go utolla selo, le a bona. Gomme ya 4 tema ya Baheberu, Beibele e boletše gore “Lentšu la Modimo ke le bogalegale, le tletše maatla go feta tšhoša ya magale mabedi, ke—ke Mohlodi wa dikakanyo tša mogopolo, pelo.” Le a bona, “Seo Yena a se kwago, Yena o tla se bolela, gomme Yena o tla le laetša dilo tše di tlogo.” Le a bona? Ke eng se yago go dira seo? Moya wo Mokgethwa Wo o tlogo go tla ka Leina la Morena Jesu.

¹³ Gomme ke rata go tšea metsotso ye e latelago e sego mekae go biletša kelohloko ya lena godimo ga lentšu “mohlahlhli,” *Mohlahlhli*. Le a tseba, ke bile le maitemogelo a a itšego ka

dithokgweng. Mohlahli, yo mongwe yo a ka go laetša go dikologa. O swanetše go ba le mohlahli ge o sa tsebe mo o yago. Gomme ka go tlwaelana le go tsoama, le lefase go dikologa, ke bile le—le sebakabotse go kopana le bahlahli. Gomme ke nna mohlahli, ka bonna, ka Colorado, ka baka la gore ke tseba naga, borentšara, le go ya pele, ke kgona go hlahla ka Colorado.

¹⁴ Bjale, mohlahli o swanetše go tseba tsela. Yena o swanetše go tseba fao a yago le seo a se dirago, le ka fao a swanetše go go hlokomela tseleng. Le a bona? Yena o swanetše go bona gore ga o tle godimo go lahlega. Mohlahli ke monna yo a hlaotšwego. Naga e hlaola monna yo ge e le mohlahli. Gomme, bjale, go ya leetong ka lešokeng, fao mohlomong o sego wa tlwaela go ya, ga se selo sa go loka go wena go ya o se na le yo motee. Gabotse, mafelo a mangwe o ka se kgone le go ya ntle o se na le yo motee, mohlala, Canada. Mo—mohlahli o swanetše gore a saene laesentshe ya gago go mohlokomedi wa diphoofolo tša lešoka. Yena o swanetše a itshaenetše ka boyena ka gare, gomme o rwele boikarabelo ka wena. Ge se sengwe se direga go wena, ke boikarabelo bja gagwe. Yena o swanetše a go hlokomele. Yena o swanetše go bona gore ga o lahlege. Yena o swanetše go bona gore ga a go romele ka lefelongtsoko fao o sa tsebego tsela ya gago ya go ya morago. Gomme ge o ka lahlega, yena o swanetše go tseba naga gabotse mo e lego gore yena a ka kgona go no go topa nako efe kapa efe. Yena o swanetše gore a tsebe ka moka dilo tše goba yena a ka se kgone go ba mohlahli, yena a ka se kgone go fiwa laesentshe go ba mohlahli.

¹⁵ Ka dilo tše, nako ye nngwe o swanetše go ba le peelano, o bitše pele gomme o dire ditokišetšo, e ba le peeletšo go tla go tšeelwa ka ntle. Gomme ge ya gago. . . . Nako ye nngwe e tletše a ka se kgone go go tšea, o swanetše go e tloša labakanyana, go—go mohlahli wa lefase. O ka se tsoge wa dira seo ka Mohlahli wa Modimo, ka mehla Yena o loketše, ka mehla o loketše.

¹⁶ Bjale, ge o sa dire ditokišetšo tše gore di dirwe, gomme o nagana go tšea leeto go ya ka lešokeng fao o sego wa ke wa ba gona pele, o ka no tla godimo go lahlega, gomme wa senyega. O na le e ka ba peresente ye tee ya sebaka sa go tšwela ka ntle ga lešoka, seo ge, ge e le gore ga la fahlelana, o ka no ba le peresente e tee ya sebaka sa go tšwela ka ntle ka bowena. Eupša ge e le lešoka le lebe kudu, tseba morago, ga o na le sebaka sa go ka tšwela ka ntle. Ga go tsela ye e itšego ge o e dira, ka gore o tla ikhwetša ka bowena ka mosepelong wa lehu, gomme ka gona o—o fedile, ka gona o feleletše. Bjale, gomme o tla senyega ge o se na le mohlahli yo a tsebago naga gomme a tseba le mokgwa wa go bowa morago.

¹⁷ Ba bantši ba lena ba tseba sengwala se le se badilego ngwaga wa go feta ka Tucson, Arizona, Bašemane bale ba Disekaute. Go le bjalo, ba be ba thwasišitšwe go tseba gore ba ka itlhokomela bjang ka bobona, ba be ba le disekaute. Gomme ba be ba sa

no ba feela Dicub Sekaute, ba be ba le disekaute tša go tllala. Gomme ba tšea leeto go ya ka dithabeng, gomme ledimo la lehlwa la tlla, tlhago ya fetola leemo la yona. Gomme ge ba hwetša ka bobona ba lahlegile gomme ka moka ba senyega, ke ka lebaka la gore ba . . .selo se sengwe, phetogo e tlla go tšwa go mokgwa wa mehlang, ga se bake ba tseba gore ba ka tšwela ntle bjang. Le a bona? Gomme ke lebetše gore fao go be go le bašemane ba bakae ba ba go senyega ka thabeng yeo, le ge ba be ba na le dihilikopotere, le Sešole ka ntle, National Guards, le baithaupi go thuša, le se sengwe le se sengwe. Eupša ba ile ba lahlega, ga go le o tee yo a tsebago fao ba bego ba le gona. Gomme ba ile ba se kgone go itlhokomela ka bobona. Ka moka ba ile ba senyega ka lehlweng ka baka la gore ba be ba sa tsebe ge eba ba be ba eya bohlabela, lebowa, bodikela goba borwa, godimo goba fase, goba go be go le bjang, se sengwe le se sengwe se be se lebelelega go swana.

¹⁸ Bjale, mohlahli o tseba fao yena a lego gona, go sa kgathalege ka maemo a boso. Yena—yena o hlamišitšwe go dira seo. Yena o tseba seo a se dirago. Yena o tlwaelane le se sengwe le se sengwe. Yena o tseba tebelelego ya se sengwe le se sengwe, ka fao yena a ka no kgona go ba ka leswiswing gomme yena a ka kgona go kwa selo se se itšego.

¹⁹ Mohlala, šebo bohlae bja kgale bja mohlahli. Le a tseba, ge o ka kgona go bona dinaledi, yo mongwe le yo mongwe a ka kgona go go botša gore o ya ka tsela efe ge o hlokomela dinaledi. Gomme ka mehla le nyaka go hlokomela naledi e tee ya therešo. Fao go na le naledi e tee fela ya therešo, gomme yeo ke Naledi ya Lebowa. Le a bona, e tee feela, e ema lefelong le le swanago. Yeo e emela Kriste, wa go swana maabane, lehošo, le ka gosafelego. Ba bangwe ba ka no tlarumela go tloga, eupša Yena o dula a swana. Dikereke di ka no go gogela ka tsela *ye*, goba tše dingwe tša go gogela go tloga ka tsela *yela*; eupša e sego Yena, Yena ka mehla o a swana.

²⁰ Go lokile, bjale, ge o ka se kgone go bona Naledi ye ya Lebowa, gomme go le maru, ka gona ge o ka ela hloko, ge e le mosegare gomme o lahlegile, ge o ka hlokomela mehlare. Mohlare ka mehla o, mmalewaneng o ka thoko ya lebowa ya mohlare, ka gore thoko ya borwa ya mehlare e hwetša letšatši kudu go feta ka thoko ya lebowa. Eupša go ka reng ge e le leswiswi gomme o sa kgone go bona mmalewaneng? Ge o ka tswalela mahlo a gago gomme wa seke wa leka go dira go nagana mo go itšego, wa tswalela mahlo a gago gomme wa hwetša mohlare kutu ya go thelela, bea diatla tša gago go dikologa mohlare ka tsela ye go fihla ge menwana ya gaga e kopana, ka gona thoma go dikologa mohlare ka go iketla kudu. Gomme ge o hwetša lefelo fao kutu e lego ye koto kudu, e palegile, ka fao ke ka thoko ya lebowa (diphefo), gomme o ka kgona go bolela gore o lebantše tsela efe, lebowa goba

borwa. Gomme ka tsela yeo, oo, fao go na le dilo tše ntši, eupša go tšea bahlahli go tseba ka fao o ka dirago dilo tšeo. Monna wa mehleng feela o a emelela fale gomme o re, “Ga ke kwe phapano ka go yona.” Le a bona? Le a bona, o swanetše gore o thwasišetšwe bohlahli bjoo.

²¹ Gomme bašemane ba, ga go na le go kamaka eupša e be e le disekaute tše kaone, ba ka no ba ba be ba kgona go tlema mahuto, ba ka no ba ba be ba kgona go dira mello ka maswika, le go ya pele ka tsela yeo. Eupša go tseba tsela ya gago ya go tšwela ntle, seo ke kgopolo! Bona, bona ga se ba ke ba tseba tsela ya bona ya go tšwelela ntle, ka fao ka tsela yeo ka moka ga bona ba ile ba senyega ka baka la gore ga se ba ke ba tšea mohlahli le bona.

²² Tate wa go se nagane, mengwaga ye mebedi ya go feta, ka Colorado, oo, o be a eya godimo ka dithabeng, o be a na le mošemanyana yo monnyane a ka bago ye tshela, ye šupa mengwaga ka bokgale. O be a eya go mo tšeele go tsoheng ga gagwe ga tshephe la mathomo. Ka fao ba ya godimo bogodimo ga thaba, gomme mošemanyana yo monnyane a re go tatagwe, “Ke thomile go lapa.”

²³ “Namela ka magetleng a ka. Ga re godimo go lekanela bokagodimo bjale, ditshephe di godimo.” Go hlatloga le go hlatloga le go hlatloga monna a ya go fihla a e tla. . . O be a sa tsebe, e be e le monna wa toropongkgolo. Yena o be a sa tsebe selo ka gore go tsongwa bjang le gore go iwa kae. Monna yo mongwe le yo mongwe yo a tsebago selo se sengwe ka lešoka o a tseba gore ditshephe ga di dule bogodimo godimo. Ga di ye bogodimo kua. Dipudi di dula bogodimo kua, e sego ditshephe. Di fase fao di ka kgonago go iphepa, di swanetše go ya fao go nago le se sengwe di ka se jago. Gomme, ka fao, eupša monna yo o ile a gopola, “Ge nka ya tsela ka moka godimo ka maswikeng lefelongtsoko godimo kua, ke tla hwetša tholo ye kgolo.” Yena o ile a bona senepe sa ye nngwe e eme godimo—e eme godimo ga leswika, gomme yena a nagana gore ke fao a ka e hwetšago. O seke wa neela šedi go seo tšona dikgatišobaka di se balago, nna, oo, nna, o tla ba le sekatapowana! Seo, fao go na le selo se tee feela go se dira, ke go tšea mohlahli fao a tsebago fao o lego gona.

²⁴ Gomme tate yoo, e ile ya tla pula ka moka ga tee godimo kua, ye nngwe ya tšona tša ka potlako dipula ya tla. Gomme monna o tsofile llata kudu, go fihla go e ba leswiswi gomme ga se ake a kgona go hwetša tsela ya gagwe go boela morago. Gomme. . . ka gona diphefo tša tla go putla ntlhoreng ya dithaba, gomme yena ka boyena a sepela ka go phakiša, gomme seo ke. . .

²⁵ O swanetše go tseba gore o ka phonyokga bjang, ge o rakeletšwe ntle. Fao go na le selo se sengwe gape, tseba gore o ka phonyokga bjang! Ke nametše godimo ga mehlare le go thedimogela fase go yona, gomme ke nametše godimo

ga mehlare le go thedimogela fase, godimo le fase ka tsela yela, gore ke fele ke phela. Ke tšere lehlwa ge le be le tla be le le kgato tše nne ka lahlakoring le lengwe le le lengwe, ke phatlotše kutu ka e robatša fase. Ke swerwe ke tlala kudu mo e lego gore ke be ke sa kgone go e emela! Gomme ka phatlola dikutu tše tša kgale, gomme ka di tšhuma gomme ka e dira gore e fiše gomme e tološetše lehlwa fase. Gomme e ka ba iri ya pele ka masa, iri ya bobedi, ka gogela dikutu morago, gomme ka robala godimo ga mobu wo borutho, gore ke fele ke phela. Gomme o swanetše go tseba ka fao o ka dirago dilo tše.

²⁶ Gomme monna yo o be a sa tsebe se a bego a se dira, yena o be a se na le motho le yena go mo fa tlhahlo. Gomme yena o ile a swara morwa wa gagwe mong e monnyane bokgauswi le sefega sa gagwe go fihla ge yena a mo kwa a tonya gomme a ehwa. Go se nagane! Ge nkabe yena a ile a no tšea mohlhli le yena, nkabe yena a ile a kgona go mo tliša thwi morago go theoga thaba go sa kgathale gore e be e le nako mang, le a bona. Eupša yena o ile a leta go fihla go e ba leswiswi, ka gona yena ga se a ke a kgona go bona tsela ya gagwe go dikologa.

²⁷ Bjo o ke bothata ka Bakriste lehono. Ba leta go fihla leswiswi le dula godimo, ka gona o hwetša gore o tlogile ntle le Mohlahli. Mohlahli!

²⁸ Ka lebaka la eng, a o kile wa bona monna yo a lahlegilego? A yo mongwe o kile a ba le boitemogelo bja go tliša ka gare monna wa go lahlega? Ke selo sa go kweša bohloko kudu se o kilego wa se bona. Ge monna a lahlega, yena o ba lebelete. Yena ga a tsebe se a se dirago. Re ile ra swara monna kua ntle, mošemane, gomme yena o be a lahlegile ka sethokgweng, gomme o be a gopolelwa... Yena o be a le lerentšara, eupša yena o be a le ka tikologong ye e fošagetšego gomme yena a lahlega, a retologa go dikologa. Gomme ge ba mo hwetša matšatši a mararo ka morago, yena o be a kitima bjalo ka monna wa lebelete, a goeela bokagodimo ga lentšu la gagwe. Dipounama tša gagwe ka moka di llwe, gomme yena a lahla sethunya sa gagwe kgole gomme o be a sa tsebe gore a ka dira eng. Gomme ge ngwanabo mong, ge... Ba ile ba swanela ke gore ba mo sware gomme ba mo tleme. Ge ngwanabo mong a etla go yena, yena o be a elwa le yena bjalo ka phoofolo, a leka go mo loma, yena o be a sa tsebe fao a bego a le gona. Ka lebaka la eng? Yena o be a lahlegile. Gomme ge monna a lahlegile, o ba leemong la bobete. Gomme yena ga a tsebe gore yena o ka leemong leo, ka baka la gore go lahlega ga gagwe go romela letšhogo le godimo ga gagwe, gomme yena ga a tsebe fao a lego le ka fao a dirago ka gona.

²⁹ Ka fao go ka gona ge monna a lahlegile go tšwa go Modimo! Yena o tla dira dilo tše e lego gore ga mehlang a ka se di dire. Yena o tla dira dilo tšeo—tšeo di lego ka godimo go dikgopolo tša motho go di dira. Monna yo a lahlegilego go tšwa

go Modimo, kereke ye e lahlelegilego go tšwa go Modimo, kereke ye e tlogilego go tšwa go Modimo, e tlogile go tšwa go ditaelo tša Beibele ya Modimo, e tla dira dilo tšeo e lego gore nako ye nngwe o be o ka se letele go di hwetša ka kerekeng ya Modimo yo a phelago. Ba tla hwetša tšhelete ya bona ka dipapadi tša panko, ka go bapala lotho, ka go kempola, eng kapa eng ye ba ka kgonago go e dira. Ba tla ruta eng kapa eng, ba dumelana eng kapa eng go feta, ba phaphatha monna ka magetleng yo e lego mopatedi yo mogolo ka kerekeng, le go ya pele ka tsela yeo, go ba dumelela go feta ka sona. Seo ke therešo. Ba bea matikone lekgotleng bao ba nyetšego makga a mane goba a mahlano, feela gore ba no feta ka sona, go dira mafelelo gore a kopane. Fao go na le bofelo bjo botee feela o swanetšego go bo kopanya, bjo ke, boikarabelo bja gago go Modimo. Emelela gomme o bolele Therešo! Go lahlelega, monna wa go lahlelega o ka seemong sa bobelele, ke monna wa segafa.

³⁰ Mohlahli o na le kwišišo, o ya bjang le gore o dira eng. Modimo ka go... Modimo ka mehla o romela mohlahli go batho ba Gagwe. Modimo ga se a ke a feila. Yena o romela mohlahli, eupša le swanetše go amogela mohlahli yoo. Le a bona? Le swanetše go e dumela. Le swanetše go ya ka tsela ye a bolelago. Ge le etla ka lešokeng, gomme mohlahli wa lena a re, “re swanetše go ya ka tsela *ye*,” gomme go le bjalo le nagana gore le ya ka tsela *yela*, le ya go tla godimo le lahlege. Ka gona ge le... Modimo o re romela mohlahli go re hlahla, re swanetše go latela mohlahli eo. Ga go kgathalege gore re nagana eng, ke eng se se bonagalago se le gabotse gomme ke eng se se kobofetšego, ga re tlamege go aroganya seo, mohlahli ke yena a nnoši.

³¹ Modimo, ka Tastamenteng ye Taala, o rometše baporofeta. Ba be ba le bahlahli, ka baka la gore Lentšu la Morena le tllile go moporofeta. Ba be ba le bahlahli. Ba be ba laela batho bjalo ka ge re bile bošegong bja go feta, ka Jesaya le Usia. Ba be ba laelwa, gomme ba be ba laela batho gomme ba ba hlahla. Gomme bjale Modimo ka mehla o be a romela bahlahli ba Gagwe, Yena ka mehla ga se a ke a ba ntle le mohlahli, ka moka go kgabola mabaka. Modimo ka mehla o be a eba le yo mongwe yo a bego a Mo emela lefaseng, mabakeng ka moka.

³² Bjale, nako ye nngwe ba tloga go mohlahli, “go tloga kokwaneng,” bjalo ka ge re e bitša. Ge Jesu a be a le mo lefaseng, a ga le gopole Jesu o rile go Bafarasei, “Lena bahlahli ba difofu?” Bahlahli ba difofu, difofu go dilo tša semoya. Le a bona? Bjale, ba be ba swanetše go ba bahlahli, bahlahli go batho, ba hlahlela batho go phološo. Eupša Jesu o rile, “Le difofu!” Gomme Yena a re, “Ba tlogeleng ba nnoši, ka gore ge sefofu se hlahla sefofu, a mmogo di ka se wele moleteng?” Bahlahli ba difofu! Oo, ka fao lefase le tšhilafaditšwego ke seo, tlhahlo ya bofofu. Yena ga a nyake gore o itshame godimo

ga kwišišo ya gago mong. Modimo ga a nyake gore o itshame godimo ga kwišišo ya gago goba dikgopolo tša gago, goba dikgopolo dife kapa dife e lego madirwa ke monna.

³³ Modimo o romela Mohlahli, gomme Modimo o rata gore le elelwe gore yoo ke Mohlahli yo a beilwego ke Yena. Gomme re swanetše re Mo elelwe. Fa E re, Jesu o rile, “Nka seke ka le tlogela, eupša Ke tla rapela Tate gomme Yena o tla le romela Mohomotši yo mongwe.” Gomme Mohomotši yo, ge Yena a be a etla, e be e le go tla go re hlahlela go Therešo ka moka. Gomme Lentšu la Modimo ke Therešo, gomme Lentšu ke Kriste, “Ke nna Tsela, Therešo, le Bophelo.” Yena ke Lentšu, “Mathomong go be go le Lentšu, gomme Lentšu o be a le go Modimo, Lentšu e be e le Modimo. Gomme Lentšu la dirwa nama gomme la dula magareng ga rena.” Ka gona ge re latela Mohlahli wa nnete wa therešo, Moya wo Mokgethwa, Yena e be e le wa go re botša tše Yena a di bonego, tše Yena a di kwelego, gomme Yena e be e le wa go re laetša dilo tše di tlogo go tla. Amene. Fao ke gona. Yena o ya go le laetša dilo tše di tlogo go tla.

³⁴ Gomme ge dikereke lehono di gana Yoo, re ka kgona bjang go tsoga re letetše go ya Legodimong? Ge Moya wo Mokgethwa o rometšwe go rena go ba Mohlahli, re tšea mokhatinale yo a itšego, pišopo yo a itšego, mopotologi pharephare yo a itšego, goba yo mongwe yo mobjalo go re hlahla, mola Moya wo Mokgethwa o filwe rena go re hlahla.

³⁵ Gomme Moya wo Mokgethwa ka mehla o bolela ka Lentšu. “Ke na le dilo tše ntši nka le botšago, le ka se kgone go Le kwišiša bjale, eupša ge Yena a etla, Yena o tla le hlahlela go Lona.” Ka lebaka la go tla ga Mahuto. Mafelelong a Lehuto la Bošupa, sephiri sa Modimo se tla be se fedile, go tseba gore Modimo ke Mang, seo Yena a lego sona, ka mkgwa wo Yena a phelago, tlhago ya Gagwe, Boyena bja Gagwe. Le swanetše go be ka moka le le tsela godimo *fa* ka nako yeo, le a bona, go re tliša go seemo sa go tlala sa barwa le barwedi ba Modimo, Kereke yeo e hlatswišwego ka Mading a Kriste, yeo e rekilwego ntle le tšhelete, e pateletšwego ka Madi a Jesu Kriste.

³⁶ Bjale, fa ke rena, Mohlahli, gomme Yena ke Mohlahli mofiwa ke Modimo. Bjale, re ya go kgabola lešoka, gomme re mo tseleng ya rena go ya lefelongtsoko, gomme re ka se kgone go ya botelele ntle le Mohlahli yo. Gomme go seke gwa ba mang kapa mang a ka lekago go tliša kemedi ya ofe kapa ofe mohlahli! Ge o dira, yena O tla le tšea go fapoga llaene. Yo Mohlahli o tseba tsela! Yena o tseba intšhi ye nngwe le ye nngwe ya tsela. Yena o tseba kgopolo ye nngwe le ye nngwe yeo e lego ka pelong ya gago. Yena o tseba yo mongwe le yo mongwe yo a lego mo. Yena o tseba gore ke wena mang le seo o se dirilego, le ka moka ka wena. Yena ke Mohlahli wa Modimo, Moya wo Mokgethwa, gomme o tla utolla dilo go wena, gomme o tla bolela dilo tše Yena a di kwelego, a ka kgona go bušeletša mantšu a gago

morago gomme a bolela se o se boletšego. Amene. A go botša se o bego o le sona, se o nago naso, fao o yago. Mohlahli, Mohlahli wa maleba, gomme Yena o tla le hlahlala Therešong ka moka, gomme Lentšu la Gagwe ke Therešo.

³⁷ Bjale, Moya wo Mokgethwa o ka se tsoge wa dira, wa re “amene” go mohuta wo o itšego wa thutotayo ya madirwa ke monna. O tla feleletša feela Lentšu la Modimo ka “amene,” ka gore Go bjalo. Moya wo Mokgethwa o ka seke wa go eta pele ka ye nngwe gape tsela. Bjale selo sa go makatša ke, gore ka moka, dikereke tša rena ka moka tše kgolo tša maina le dilo, re tleleima gore ye nngwe le ye nngwe e hlahlilwe ke Moya wo Mokgethwa, gomme fao go na le phapano ye kgolo go swana le ge e le gona go mosegare le bošego ka go rena ka moka.

³⁸ Eupša ge Paulo, Mofarasei yo monnyane yola a go amogela Moya wo Mokgethwa ge Anania a mo kolobeditše, gomme a ya ka Arabia gomme a ithuta mengwaga ye meraro, a tla morago, gomme ga se a ke a botšiša kereke ka eng kapa eng lebaka la mengwaga ye lesomenne, gomme ge a etla a kopana le Petro, hlogo ya kereke ka Jerusalema, ba ile ba ba leihlo le leihlo ka Thuto. Ka lebaka la eng? Moya wo Mokgethwa wo o swanago! Fao Petro a kolobeditšego Leineng la Jesu Kriste, Paulo o dirile go swana ntle le gore yo mongwe a mmošše. Fao Petro a rutilego kolobetšo ya Moya wo Mokgethwa, tlhwekišo, le go ya pele, Paulo o dirile selo se se swanago, ntle le go botšiša kereke, ka baka la gore E be e le Mohlahli yo a swanago. Gomme re ka ba bjang lehono ge batho ba gana Ditherešo tše? Ge Petro a ruta se a se dirilego ka tsela ye kereke e ilego ya bewa ka lenaneo, Paulo o bile le Thuto ye e swanago, ka baka la gore ba be ba na le Mohlahli yo a swanago.

³⁹ Mohlahli ga a ye go tšeela yo motee godimo ka tsela *ye*, gomme yo motee godimo ka tsela *yela*, gomme a romela yo motee bohlabela gomme yo motee gape bodikela. Le a bona, Yena o ya go le boloka mmogo. Gomme ge re ka no dumelela Moya wo Mokgethwa go re boloka mmogo, re tla ba batee. Ge—ge re no se dumelele diabolo go le gogela go fapogela tseleng ye e fošagetšego, re tla ba pelo e tee, kgopolo e tee, moya kwano o tee, ka Moya o tee, Moya wo Mokgethwa, Mohlahli wa Modimo yo a tlogo go re hlahlala Therešong ka moka. Seo ke therešo. Eupša le swanetše go latela Mohlahli wa lena. Eye, mohlomphegi.

⁴⁰ Lebelelang Nikodemo, yena o be a nyaka Mohlahli, le ge go le bjalo yena e be e le monna yo mokaone. Yena e be e le thitšhere, a ka ba mengwaga ye masomeseswai ka bokgale. Yena e be e le Mofarasei, goba—goba Dikgorotsheko tša Sanhedrin, Khantshela, Lekgotla la Bodiredi. Yena e be e le yo mongwe wa banna ba bona ba bagologolo, thitšhere ka Israele, morena ka go bjona. Nagana, thitšhere ya morena! Eye, o be a tseba melao, eupša ge go etla go go tswalwa gape, yena o ile a nyaka Mohlahli. Yena o be a e swaretšwe ke tlala. Yena o

be a tseba gore go be go swanetšwe go ba selo se sengwe se se fapanego. Boitšweleletšo bja gagwe go Kriste bošegong bjola bo se netefaditše. Bo netefaditše gape se, maikutlo a bona ka moka, eupša ga go le o tee wa bona a bilego le sona—sona sebate seo yena a bilego naso. Fao ga se gwa ba le yo motee wa bona yo a kgonnego go tla godimo kua gomme a dira seo yena a se dirilego. Lena ka moka, batho, le ahlola Nikodemo ge a tlile bošego. Yena o ile kua. Yena a fihla. Ke a tseba batho ba bangwe le go thoma ba ka seke, mosegare goba bošego. Eupša yena o ile kua, gomme o be a nyaka Mohlahli, gomme yena a re, “Morena, rena,” go tšwa go Kgorotsheko ya Sanhedrin, “re a tseba gore Wena o Thitšhere ya go tšwa go Modimo.” Ke ka lebaka la eng yena a tsebile? Yena o bonagaditšwe. Le a bona, yena o be a nyaka go tseba seo tswalo ye ye mpsha e bego e se ra, gomme yena a ya thwi go yo Motee wa maleba, ka baka la gore Modimo o be a bonagaditše gore Yo e be e le Mohlahli wa Gagwe, Jesu. Lebelelang se yena a se boletšego, “Morena, rena re a tseba gore Wena o Thitšhere ye e tšwago go Modimo, ka baka la gore ga go monna yo a kgonago go dira dilo tšeo Wena o di dirago, ge e se ge Modimo a na le yena.”

⁴¹ E be e le ponagatšo fao, gore fao go be go le Modimo yo a phelago ka gare ga Gagwe. Seo Yena a se pakilego, “Ga se Nna yo a dirago mediro; ke Tate wa Ka yo a dulago ka go Nna. Ruri Ke re go lena, Morwa ga a kgone go dira selo ka Boyena; eupša se Yena a bonago Tate a se dira, seo Morwa o se dira bjalo. Tate o a šoma, gomme Ke a šoma go fihla mo.” Ka mantšu a mangwe, Modimo o Mo laeditše gore a dire eng, gomme Yena a ya gomme a no se bapalla ntle. Yena ga se a ke a dira eng kapa eng go fihla Modimo a Mmotša go se dira. Amene. Tšeo ka nnete ke dintlha tša therešo tša yona. Ge re ka no sepela gomme ra leta go fihla Moya o re sepediša go se dira! Seo ke yona. Gomme ka gona ra no timelela ka go felela ka go Kriste gore Yena ga a swanela go go kgorametša go dikologa go swana le ka fao Yena a dirago nna, eupša mokgothulo wa mathomo wo monnyane wa hlogo ya Gagwe, o loketše gomme ga go selo se yago go go emiša, ka baka la gore o a tseba gore ke thato ya Modimo.

⁴² Yena o be a nyaka Mohlahli. Yena e be e le Mohlahli yo a bonagaditšwego. Yena o be a kgona go etwa pele ke Mohlahli yo ka baka la gore yena o be a tseba gore Mohlahli yo o be a hebeditšwe ke Modimo. Yena o be a tseba gore ditšo tše a di diretšego, mohlomongwe tša Bafarasei, Basuditsei, le eng gape, o diretše dithutotayo tšeo ka moka go bapela gomme a se bone selo se direga. Eupša fa go tla Monna lefelong la tiragalo, o bolela gore Yena ke Mesia yo a tshephišitšwego wa Beibele. Ka gona Yena o retologa go dikologa gomme o dira yona mediro ya Modimo. Jesu o rile, “Ge Ke sa dire mediro ya Tate wa Ka, gona le seke la Ntumela. Eupša ge le sa kgone go Ntumela, dumelang yona mediro ye Ke e dirago, ka gore e paka ka Nna.”

⁴³ Ka gona, ga go makatše ge Nikodemo a kgonne gore, “Morena, re a tseba Wena o Thitšhere ya go tšwa go Modimo, ka gore ga go monna yo a kgonago go dira dilo tše Wena o di dirago ntle le ge Modimo a na le Yena.” Le a bona, o be a nyaka Mohlahli, le ge e be e le morena wa selo. Yena o be a le morena wa kereke ya gagwe. Yena o be a na le seriti, gomme a na le—a na le mafelo a go tsebalega, gomme o be a le monna yo mogolo; ga go na le go kamaka, ditlhompho go tšwa go batho ka moka go kgabola naga. Eupša ge go etla go go tswalwa gape, o be a nyaka Mohlahli! Ka fao le rena, ya, re be re nyaka Mohlahli.

⁴⁴ Korinelias, yena e be e le monna yo mogolo, monna wa go hlomphega. Yena o be a agile dikereke. Yena o be a hlompha Bajuda ka baka la gore o be a tseba gore bodumedi bja bona e be e le bja therešo. Gomme yena o be a lefa meneelo, gomme a rapela letsatši le lengwe le le lengwe, eupša ge Moya wo Mokgethwa o etla (Selo se sengwe se ile sa oketšwa kerekeng), yena o be a nyaka Mohlahli. Modimo o ile a mo romela Moya wo Mokgethwa. Yena o ile a O romela ka bomotho bja Petro, “Ka gore ge Petro a sa bolela Mantšu a, Moya wo Mokgethwa o ile wa wela godimo ga gagwe.” [Lefelo la go se be le selo godimo ga theipi—Mor.] Modimo o šomišitše Mohlahli ka Petro. Yena o O šomišitše, ka baka la gore Yena o hlahletše Korinelias tseleng ya go loka. Gomme mola yena a sa bolela, Moya wo Mokgethwa wa wela godimo ga Bantle. Ka gona yena a re, “A monna a ka kgona go thibela meetse, gore ba se kolobetšwe?” Le a bona, Mohlahli o sa bolela, e sego Petro. Ka baka la gore seo e be e le sehlopha sa Bajuda...goba Bantle, “ba go se hlweke, ba ditšhila” go yena, gomme yena o be a bile a sa nyake le go ya. Eupša Mohlahli a re, “Ke a go roma.” Wena o dira dilo tše o sa naganego gore o ka di dira, ge Mohlahli a hwetša taolo ya go felela, ge o dumela Yena go go hlahla. Oo, go makatša bjang go hlahliwa ke Moya wo Mokgethwa. Yena ke Mohlahli. Tšohle gabotse. Yena o boletše ka Petro gomme a mmošša se a swanetšego go se dira. Ka gona ge ka moka ba amogetše Moya wo Mokgethwa, yena a re, “Rena re ka se kgone go thibela meetse, ka ge le bona gore bakhwi ba amogetše Moya wo Mokgethwa go swana le ka fao re dirilego mathomong.” Gomme ba ile ba ba kolobetša Leineng la Morena Jesu. Bjale, ke mang Yo a mo hlahletšego go dira seo? Mohlahli yo a bego a le ka go yena. A Jesu ga se a ke a ba botša, “Le seke la tšea kgopolo gore le ya go reng, ka baka la gore ga se lena ba bolelago; ke Tate yo a dulago ka go lena, Yena o dira polelo”? Amene.

⁴⁵ Molaki, a e tla tlase go tšwa Jerusalema. Gomme Modimo o be a na le Mohlahli lefaseng ka yona nako yeo, Moya wo Mokgethwa, gomme Yena o be a na le monna tlase kua yo a bego a tladišwe ka Mohlahli yo. Yena o be a bile e se moreri, yena o be a no ba mohuta wa letikoni bjalo. Gomme yena o

be a le tlase kua a fodiša malwetši gomme a rakela bodiabolo ntle, gomme a dira khuduego ye kgolo, thabo ye tona e be e le ka toropongkgolo. Yena o be a na le makgolo a batho ba kgobokane go mo dikologa, gomme Mohlahli a re, “Bjo bokgole bo lekane, a re ye morago ka tsela ye.” Yena ga se nke a ganetšane le Mohlahli wa gagwe.

⁴⁶ O seke wa tsoga wa ganetša Lentšu la Mohlahli wa gago. Mo latele. Ge o sa dire, o tla godimo go lahlega. Gomme, elelwa, ge o tlogela Yena, o ka bowena mong, ka fao re nyaka go ba kgauswi le Mohlahli.

⁴⁷ Ka fao tseleng, Yena o ile a re, “Tlogela sehlopha se bjale, Filipi, gomme o ye ntle ka leganateng fao go se nago le motho. Eupša Ke go romela ntle kua, gomme kua go tla ba le yo mongwe ge Ke go fihliša kua.” Fa go tla molaki wa monoši, yena e be e le monna yo mogolo go mohumagadi tlase ka Ethiopia. Ka fao yena o be a etla tlase, a bala Puku ya Jesaya. Gomme Mohlahli o rile, “Eya kgauswi le koloi.”

Gomme yena a re, “A o kwišiša se o se balago?”

⁴⁸ Yena a re, “Nka kgona go kwišiša bjang ge go se na le monna wa go ntlahla?” Oo, nna! Eupša Filipi o be a na le Mohlahli. Amene. Gomme yena a thoma go tloga go Lengwalo le le swanago, gomme a mo rerela Kriste. Amene. Mohlahli! A se ke a mmotša thutotayo, yena o ile a mmotša ka Mohlahli, Kriste! Gomme yena a mo kolobetša ntle kua ka meetseng. Nnete, e be e le. Oo, ke rata seo bjang!

⁴⁹ Ge Israele e tloga Egepita go ya nageng ya tshephišo, ka go Ekisodo 13:21, Modimo o tsebile gore ga se ba ke ba sepela tsela yeo pele. E be e le feela dimaele tše masomenne, eupša go le bjalo ba be ba nyaka selo se sengwe go ya le bona. Ba be ba tla lahlegelwa ke tsela ya bona. Ka fao Yena, Modimo, o ile a ba romela Mohlahli. Ekisodo 13:21, selo se sengwe go swana le se, “Ke roma Morongwa wa Ka pele ga gago, Pilara ya Mollo, go go boloka tseleng,” go ba hlahla go ya nageng ye ya tshephišo. Gomme bana ba Israele ba ile ba latela Mohlahli, Pilara ya Mollo (bošego), Leru mosegare. Ge Le be le ema, ba be ba ema. Ge Le be le tšea leeto, ba be ba tšea leeto. Gomme ge Yena a ba fihlišitše kgauswi le naga, gomme ba be ba se ba swanela go ya ka kua, Yena o ile a ba hlahlela morago ka lešokeng gape. Yena ga se a ke a ya le bona.

⁵⁰ Seo ke se e lego sona, kereke lehono. Ga go go kamaka seo bopelo telele bja Modimo lehono, go swana le ka fao bo bilego matšatšing a Noage, kereke nkabe e dirile e sepetše ge nkabe e ile ya no lokišega gomme ya bewa lenaneong. Eupša Yena o ile a swanelwa ke go re hlahlela go dikologa le go dikologa le go dikologa.

⁵¹ Israele e be e tseba bonnyane, ge ba be ba goelela, ka go bona mašole a Egepita a go hwa, dipere tša go nwelela, koloi

tša Farao di menogile ka godimo go le ka fase, ba be ba na le phenyo, Moshe a le Moyeng, a opela ka Moya, Miriam a bina ka Moya, gomme barwedi ba Israele ba kitimela godimo le fase lebopong, ba goelesa gomme ba bina, ba be ba le matšatši e se makae go tšwa go maswi le todī. Gannyane ba be ba tseba gore e be e le mengwaga ye masomenne ka bokgole, ka baka la gore ba thomile go kokoroga kgahlanong le Modimo le Mohlahli.

⁵² Gomme re ikhwetša ka borena ka tsela ye e swanago. Ke ya Shreveport ka morago ga fa. Gomme Moya wo Mokgethwa o wele Letšatšing la Gofaditebogo, mengwaga ye masometlhano ya go feta, ka—ka Louisiana, ka Letšatši la Gofaditebogo. Kereke e wele bjang go tloga nako yeo! A le a lemoga gore kereke ya Roma ya Katoliki mathomong a yona e be e le kereke ya pentecost? Seo ke therešo. Seo ke gabotse. E be e le kereke ya pentecost, eupša bahlomphegi ba ba ba thata ba thoma go tsena ka gare gomme ba fetolela ma—Mangwalo a Modimo go ditšo tša bona, ba oketša go Lona dithutotumelo, go ya pele. Gomme bonang se ba nago naso bjale, ga go le tlasana ya Lengwalo ka go ye nngwe ya yona. Ba tlišitše kemedi ya se sengwe ka se sengwe gape, seripana sa borotho legatong la Moya wo Mokgethwa. Ba dirile go fafatša gwa emela go karabetša. Ba dirile “Tate, Morwa, le Moya wo Mokgethwa” go emela “Morena Jesu Kriste.” Ba dirile kemedi go ka moka dilo tše kgolo tše tša Modimo tšeo di beetšwego rena fase, gomme ba kgole, kgole go tloga, tsela go tloga go tšwa go Thuto ya Mangwalo.

⁵³ Gomme Pentecost e wele ka Louisiana, mengwaga ye masometlhano ya go feta, gomme ge e ka ema mengwaga ye mengwe gape ye makgolopedi, e tla be e le bokgole go tloga go feta fao kereke ya Katoliki e lego, ge e ka tšwela pele e ewa ka tsela ye e dirilego mengwaga ye ye masometlhano ya go feta, ka baka la gore ba no oketša go yona nako ka moka, kgafetša. Bareri ba fešene ya kgale ba ile. Dikopano tša seterateng, ga o sa kwa le e tee. Ka moka selo se re nago naso ke sehlopha sa Hollywood se oketšwa go yona, basadi ba meriri ya go kotwa ba apere dišothi, ba ipentile, le se sengwe le se sengwe gape, ba ipitša ka bobona Bakriste. Ricky yo a itšego yo monnyane ka katara, o kitima godimo le fase lefelong, gomme basadi ka roko godimo e pintše bjalo. . . go no swana le nama ya kolobe e karapilwe le—letlalo ka ntle, gabotse, ba itšokotšo go dikologa godimo sefaleng, ba kitimela godimo le fase sefaleng, ba bina ka mangina a ditsebe a lekeletše fase, le wo mongwe wa ye fa mekoto ya meriri ya mohumagadi wa naga, gomme ba bitša ka bobjona Bokriste.

⁵⁴ Seo re se nyakago ke bja fešene ya kgale, borongwa ke Modimo, bodumedi bja go tšhuma bjo bo tlogo go tšhuma bofefase bjola ka ntle ga kereke. Re nyakega go tla morago go Moya wo Mokgethwa le Mollo, morago go selo se se tšhumelago togotogo ntle, sa tliša morago thero ya fešene ya kgale, ya dira Legodimo go ba godimo, gomme hele go fiša,

molomo wa sethunya go otlologa. Re nyaka mohuta woo wa thero. Eupša wa e dira lehono, phuthego ya gago e tla go boutela ka ntle.

⁵⁵ Nako ye nngwe bareri ba ba botse ba išwa tahlegong ke phuthego tša bona. Ke ka lebaka leo ke se nago le kereke ya leina. Ke na le motsemošate o motee, ke go tšwa Legodimong. Kae kapa kae mo Yena a nthomago, fao ke a ya. Eng ka eng ye Yena a e bolelago, ke a e bolela. Ga re nyake kereke ya leina. Kereke ye ge e ka be ya bolela ka kereke ya leina, le lobile modiša thwi wa lena nako yeo. Nka se ke ka be ka ema go e dikologa, le ge e ka ba metsotso ye mehlano gatee. Kereke ye nngwe le ye nngwe ye e ka bego ya itherella e ya ka go peu, gomme mpotše e tee ye e sego ya ke, gomme mpotše e tee yeo e kilego ya tsoga gape. Moya wo Mokgethwa o rometšwe go etapele kereke, e sego sehlopha se se itšego sa banna. Moya wo Mokgethwa ke bohlale ka moka. Banna ba a thatafala, ba ba se nago phapano.

⁵⁶ Modimo o ba boditše gore Yena o tla ba romela Mohlahli, Yena o tla ba etapele tseleng. Gomme ge feela ba be ba latela Pilara ya Mollo, ba ka moka ba le gabotse. Yena o ba etile pele go fihla kgorong ya naga ya tshephišo, gomme ka gona fao e be ele bokgole bjo Yena a bego a swanetše go ya. Ka gona Joshua, lešole le legolo lela, elelwang letšatši le a ba boditšego, “Ithwekišeng ka bolena, ka letšatši la boraro Modimo o ya go bula Jorodane tlase fa gomme re ya go tshela”? Bjale hlokomelang se yena a se boletšego (ke rata se) ka Lengwalong, yena o rile, “Dulang kgauswi ka morago ga Areka, ka baka la gore ga se la ke la feta ka tsela ye pele.”

⁵⁷ Na Areka e be e le eng? Lentšu. Le seke la sepela ditsela tša lena tša kereke tša maina, dulang thwi ka morago ga Lentšu, ka baka la gore ga se la ke la feta ka tsela ye pele. Gomme, ngwanešu, ge go kile gwa ba nako ye kereke ya Bokriste e swanetšego go itekola ka boyona, ke thwi bjale. Re thwi bjale fao kopano ye kgolo ye e tšwelago pele ka Roma thwi bjale, diphapano di a dirwa, kopano ya dikereke, fao ka moka dikereke tše tša maina di kopanego mmogo go aga seswantšho sa sebata, feela tlwa se Beibele e se bolelago. Gomme le a tseba se re se boletšego mosong wo ka Molaetšeng. Gomme re fa, thwi se sengwe le se sengwe thwi mo mojako, gomme batho ba sa latela ka morago ga dithutotayo. Bokaone le dule ka morago ga Lentšu! Lentšu le tla le eta pele go kgabola, ka baka la gore Lentšu ke Kriste, gomme Kriste ke Modimo, gomme Modimo ke Moya wo Mokgethwa.

⁵⁸ Dulang ka morago ga Lentšu! Oo, eye, mohlomphegi! Dulang le Mohlahli yola. Dulang ka morago ga Lona. Le seke la ya ka pele ga Lona, lena dulang ka morago ga Lona. Dumelelang Lona le le etepele, le seke la eta Lona pele. Lena Le dumelelang le ye.

59 Joshua o rile, “Bjale, ga se la ke la feta ka tsela ye pele, ga le tsebe selo ka mmila.”

60 Bjo ke bothata lehono. Ga le nyake mohlhali go le hlhlehla tlase tseleng ya petleke. Oo, le tseba ka moka mekgobana le se sengwe le se sengwe gape. Le tseba tsela ka moka go ya sebeng. Fao ga go . . . Oo, le bile tikologong nako ye telele. Ga go na le bohlokwa bja yo mongwe go leka go le botša ka seo, le tseba ka moka ditsela tša go kgaoletša. Seo ke therešo, sebe se sengwe le se sengwe, le tseba ka moka ka sona. Ga go yo a swanetšego go le botša gore le ka utswa bjang; le tseba seo. Ga go yo a swanetšego go le botša gore le ka rogana bjang; le tseba seo. Ga go yo a swanetšego go le botša gore le ka dira bjang dilo tše mpe tše, ka baka la gore di kgomareditšwe godimo ga mohlare wo mongwe le wo mongwe mo gohle.

61 Eupša, elelwang, lena batho bao le lego Bakriste, le tsheletše ka kua. Le ka Nageng ye nngwe. Le tswetšwe gape. Le ka Nageng, Naga ya Legodimong. Le ka Nageng ya tshepišo.

62 Le kgona go lebelela, le tseba tsela ya lena tikologong fa. Oo, nna, eye. Le a tseba eng—eng, go ema bjang godimo ga seatla se se itšego sa dikarata. Le a tseba gore taese, ge e tokologa, e ra eng, le se sengwe le se sengwe le seo. Eupša ge go etla go tsebeng bokgethwa le toko le maatla a Modimo, le ka fao Moya wo Mokgethwa o šomago le seo O se dirago, bokaone le dule thwi ka morago ga Lentšu, Mohlahli. Le a bona? Ga se la ke la feta ka tsela ye pele.

63 Go lokile, le re, “Ke be ke le monna yo mobotse yo mokaone, ke bile le—ke bile le digrata tše pedi tša kholetšhe.” Bokaone o se lebale. Eye, mohlomphegi.

64 “Ke ile go kgabola siminare.” Bokaone o se lebale. Ya. Bokaone o dule ka morago ga Mohlahli. Mo dumelele A go ete pele. Yena o tseba tsela; ga o e tsebe. Ga se wa ke wa feta ka tsela ye pele. “Go lokile,” o re, “ba dirile.”

65 Bona ge eba ba dirile. Jesu o rile, “Bao ba fetilego ka tsela ye, maswao a a tla ba latela. Leina la Ka, ba tla rakela bodibolo ntle, ba bolela ka maleme a maswa; goba ba swara serpente goba ba nwa dilo tše di bolayago, di ka se gobatše. Ge ba bea diatla tša bona godimo ga balwetši, ba tla fola.” Ba bantši ba bona ba a Le gana, ba a Le gana, ba re le bile ga se La hebetšwa. Ga ba latele Mohlahli. Ba latela dithutotayo tša madirwa ke monna. Bokaone o dule thwi ka morago ga Lentšu, ka baka la gore ga se wa ke wa feta ka tsela ye, o a tseba.

66 Eupša o tswetšwe gape, gomme o tswaletšwe ka bokgethweng. Ga se wa ke wa feta ka tsela ye pele. O fet- . . . Ge o feta ka tsela ye, o swanetše go tla ka bokgethwa, ka baka la gore ke Naga ye mpsha, Bophelo bjo boswa, batho ba baswa.

67 O tla kerekeng gomme wa kwa yo mongwe a emela godimo, a goeela, “Letago go Modimo! Haleluya!”

68 Ka baka la eng, o tla re, “Nna, mmalo, ga se ba ke ba dira seo ka kerekeng ya ka! Ke tla emelela godimo gomme ka sepelela ka ntle!” Le a bona? Hlokomela.

69 Dulang ka morago ga Lentšu, bjale, dumelelang Mohlahli a le ete pele. “Yena o tla le hlahlela ka Therešong ka moka, gomme a utolla dilo tše tšeo Ke boletšego le lena ka tšona. Yena o tla le laetša tšeo. Yena o tla le botša dilo tše di sa tlogo,” Mohlahli wa therešo. Le seke la ya go pišopo; eyang go Mohlahli. Le seke la ya go mongwe ge e se go Mohlahli. Yena ke yo Motee yo a rometšwego go le hlahla. Yena ke yo Motee a tlogo go e dira. Modimo o le file Mohlahli. Tšegang tsela ye Modimo a e filego.

70 Bothata bja ntshe ke gore lehono, gore batho bao ba tlogo kerekeng ba no dula metsotso e se mekae, selo se sengwe se a dirago seo ba sego ba se tlwaela.

71 Ke ile ka thabela mosadi yo monnyane go tšwa kerekeng ya go tonya ya go iketla, ke ile ka no mo rapelela. Modimo o ya go fodiša mosadi yo monnyane. Yena o be a sa kwišiše se. Yena o be a sa tsebe selo ka sona. Yena o be a tlile ka gare, yena o boletše gore o be a sa tsebe. Eupša ka mmošša, “Etle godimo gomme o mpone.” Yena o be a le mohutana wa go boifa gomme a eya morago, Mohlahli a tšwela pele a mmošša, “Sepelela pele.” Yena a e hwetša. Yeo ke yona. Le a bona, ke ka baka la Moya wo Mokgethwa wo o re hlahlelago go dilo tše. Le a bona, Modimo o file tsela.

72 A le kile. . . A le kile la ela hloko magantshe a lešoka ge a eye ka kua, mapidipidi a eya borwa? Go lokile, bjale elelwang, lepidipidi le lennyane lela la kgale le tswaletšwe godimo ka kua mogobeng felotsoko. Yena ga a tsebe bohlabela, lebowa, bodikela, le borwa. Yena ga a tsebe selo ge e se mogobe wo o dutšego godimo ka dithabeng Canada. Yena ga se a ke a tloga mogobeng woo, eupša yena o belegwe e le moetapele. Lepidipiditona le lennyane le belegetšwe go ba moetapele. Gomme selo sa pele, bošego bjo bongwe fao go be go le lehlwa le legolo le etle go putla bogodimo bja dithaba. Go direga eng? Moya wola wa go tonya o tla tlase go putla go kgabola fao. Ke kgona go mo eleletša a roromela, a re, “Mme, se se ra go reng?” Le a bona, yena ga se a ke a kwa bosho bjo bo tonyago bjo peleng. Yena o thoma go hlokomela go dikologa, yena a thoma go hlokomela go dikologa magomo a mogobe, mogobe o thoma go gatsela, lehlwa le etla mogobeng. Yena ga a tsebe, eupša ka moka ka pela. . . Yena o be a belegetšwe go ba mohlahli wa mohlape wo wa mapidipidi. Yena o ile a tabogela ka ntle ka bokagare ga mogobe ge seo se mo ratha. O se bitša seo o se ratago go se bitša. Re se bitša tšhušumetšo, goba le ka no se bitša, oo, e no ba sekwi, eng kapa eng se lego sona. Yena o tla otlella thwi ntle bogareng bja mogobe wo, a ntšhetša selo se sennyane sela godimo moyeng, gomme a ya, “Honke-honke,

honke-honke!” Gomme lepidipidi le lengwe le le lengwe mogobeng le tla tla thwi go yena. Ka lebaka la eng? A tseba moetapele wa wona, feela ke tsela yeo a ntšhago sello ka gona.

⁷³ “Ge phalafala e efa modumo wo o sa hlakego, ke mang yo a ka itokišetšago ka boyena ntwa?” Therešo. Ke mang yo a ka itukišetšago ka boyena ntwa ge phalafala e efa modumo wo o sa hlakego?

⁷⁴ Go lokile, ge lepidipidi le lennyane lela le efa sello se se sa hlakego, ke mang yo a yago go itokišetša ka boyena go fofa? Lepidipidi le lennyane le la kgale le tla ntšhetša godimo molomo wa lona wo monnyane ka ntle kua, gomme la goelesa, “Honke-honke, honke-honke!” Gomme lepidipidi le lengwe le le lengwe le lennyane le tla tla go yena. “Honke-honke, honke-honke!” Šiao. A tla ba le megobo bjalo, thwi ka bogareng bja mogobe woo, a no pshikiloga gape le gape le gape. Ka morago ga lebakana yena o ekwa e sepela godimo ga gagwe, yena o swanetše go tloga. Yena o tla bea diphego tša gagwe tše nnyane fase gomme a fofa go tloga mogobeng woo, a ya godimo ka moyeng gomme a retologa go dikologa makga a mane goba a mahlano, gomme a no ya thwi Louisiana ka fao yena a ka kgonago go ya, lepidipidi le lengwe le le lengwe thwi ka morago ga gagwe. “Honke-honke, honke-honke,” a šo o a tla. Ka lebaka le eng? Yena ke mohlahl! Amene! Mapidipidi a tseba mohlahl! wa ona, kereke ga e mo tsebe. Ya, yena o tseba se a swanetšego go se dira.

⁷⁵ Lebelela wona magantshe a kgale, go tšwa go rarela go tšwa Alaska. Bjale, fao go na le la go tšofala la mokoko ka mehla le a eta pele, gomme wona magantshe a swanelwa ke go lebelo mokoko yo ka kua nnete gabotse. A swanetše go tseba seo mokoko o bolelago ka sona. A le badile seo ka go kgatišobaka ya *Look* e ka bago mengwaga ye mene ya go feta, fao mokoko wa go tšofala nako ye nngwe o bego o sa tsebe seo o bego o se dira, gomme wa eta pele sehlopha sa magantshe tsela ka moka ka kua go ya England? Seo ke therešo. Ga se a ke a tsebja go ba England pele. Ka lebaka la eng? Ga se a ke a ela hloko wa wona—wa wona moetapele. Mokoko wa go tšofala o be o sa tsebe fao yena a bego a eya. Gomme bjale a ka kua gomme ga a kgone go bowa morago.

⁷⁶ Seo ke se e lego bothata ka ohle a mantši a magantshe a leho, a sa turupa. Ba re, kgatišobaka yela ya *Look* e rile, magantshe a a turupa gomme a fofa go dikologa bogodimo bja England, eupša ga a tsebe gore a ka bowa bjang morago. Yeo ke ka tsela ye e lego ka gona ka mangwe a *magantshe* a ke a tsebago. Le na le moturupo, le kopano ye kgolo ya maatlakgogedi, gomme le na le motsošetšiši yo a itšego go tla mmogo le go rera le lebakana, eupša ga le tsebe fao le yago. Le turupa go dikologa le go dikologa, ka baka la gore le na le mokoko woo o itšego go le eta pele ka lešumatho la bokereki

bja leina; gomme e sego morago go Lentšu la Modimo, morago go kolobetšo ya Moya wo Mokgethwa. Gomme re a makala gore ke ka lebaka la eng re se na le tsošetšo ka matšatšing a rena. Uh-huh. Le a bona? Le swanetše go hwetša Modumo wola o hlakago! Modumo wo ke phalafala ya Ebangedi ye e hemelago ntle Ebangedi, Lentšu le lengwe le le lengwe la Modimo. E sego thutotayo, e sego kereke ya leina; eupša Beibele, Moya wo Mokgethwa. “Maswao a a tla latela bona ba ba dumelago.” Le a bona? Gomme fale ba a ya go theoga mmila.

⁷⁷ O tee wa kgale mokoko nako ye nngwe, ba rile, o ile wa dira sehlopha gore se bolawe, o leka go a fofiša go kgabola leswiswi, o sa tsebe fao wona o bego o eya, ka bowona, gomme ka moka a thula kgahlanong le dithaba ntle kua, gomme a mangwe a wona a rathagana, a phatlogela godimo. Nnete! A swanetše go tseba modumo wa wona wa go hlaka. Lepidipidi lela la kgale le lennyane, ge lona le na le modumo wa go hlaka gomme yo mongwe le yo mongwe a o tseba, a na le mokete wo monnyane wa megobo ya go turupa gomme go tloga a ya borwa. Na a yela eng kua tlase? Fao go sa tonyego.

⁷⁸ Bjale, ge Modimo a efa lepidipidi sekwi se selekanego go tseba gore la ka efoga bjang go tonya, a Yena a ka se fe bjang kereke? Ge lepidipidi le kgona go dira seo ka sekwinanya, go ka reng ka Moya wa Mokgethwa ka kerekeng? O swanetše go re eta pele go tšwa go mananeo le dithutotayo le dilo, ra tsena go kolobetšo ya letago, ya go makatša ya Moya wo Mokgethwa. O tliša bokwala, tsebo, kgotlelelo, bomodimo, le Moya wo Mokgethwa. Seo ke se Mohlahli wa nnete a tlogo go se eta pele, ka baka la gore Yena a ka se hemela selo ntle ge e se Ebangedi, Lentšu la Modimo feela. Nnete, le nyaka Mohlahli!

⁷⁹ Ge, banna ba bohlale, ba be ba sa tsebe selo ka Modimo. Ba be ba—ba be ba le bašomi ba maletlane, boramaselamotse. Ba be ba le bogodimo ka bohlabela. Le a tseba, Beibele e rile, “Rena re bone Naledi ya Gagwe ka Bohlabela, re tšile go Mo direla.” Ba be ba etšwa bodikela, ba lebelela bohlabela gomme ba bona Naledi ya Gagwe. . . goba ba lebelela bodikela, ba be ba le ka Bohlabela. “Rena re be re le ka Bohlabela, gomme re bone Naledi ya Gagwe bodikela.” Le a bona? “Rena re bone Naledi ya Gagwe ka Bohlabela.” Gomme, le a bona, ba be ba le ka Bohlabela. “Ge rena re be re le ka Bohlabela rena re bone Naledi, gomme rena re tšile go Mo direla.”

⁸⁰ Ke kgona go eleletša ke bona baisa bao ba itokišetša go sepela. Ke kgona go eleletša yo mongwe wa basadi ba bona a re go yena, a re, “A re, a o phuthetše se sengwe le se sengwe ka moka, eupša khamphase ya gago e kae?”

Yena a re, “Ga—ga ke ye go šomiša khamphase nakong ye.”

⁸¹ A re, “A o ya go putla bjang dithaba?” Elelwang, ba be ba swanetše go tshela Noka ya Tigris gomme ba tle tlase go

kgabola melala, gomme. . .ka lebaka la eng, ba bile le leeto la mengwaga ye mebedi godimo ga dikamela. Ba ya go le dira bjang? A re, “Go lokile, ga o tšee le ge e ka ba khamphase.”

A re, “Aowa.”

“O ya bjang?”

⁸² “Ke ya ka tsela ye e filwego ke Modimo. Naledi yela kua e ya go nketa pele go ya go Kgoši yeo.” Yeo ke yona.

⁸³ “Rena re bone Naledi ya Gagwe ka Bohlabela, gomme ra E latela tsela ka moka go tla mo bodikela, go Mo direla. Yena o kae?” Ba latetše tsela ye e filwego ke Modimo. Ba ile ba tlangwa godimo ga nnyane ka sehlopha sa dithutotayo tlase kua lebakanyana le lennyane. Ba tlile ka Jerusalema gomme ba thoma go ya godimo le fase mokgotheng, batho ba ba go apara ka botswana, ba re, “Yena o kae? Yena o tswetšwe kae Kgoši ya Bajuda?” Go lokile, yeo e be e le hlogo, ye e bego e le Jerusalema. Ka nnete kereke ye kgolo e swanetšego go tseba selo se sengwe ka Yona. “Yena o kae? O tswetšwe kae Yena Kgoši ya Bajuda? Rena re bone Naledi ya Gagwe ka Bohlabela, re tlile go Mo direla. Yena o kae?”

⁸⁴ Ke lebaka la eng, ba ile kua go modiša *Semang-mang* le go moprista yo mogolo *Semang-mang*, ga go le yo motee wa bona a bego a tseba selo ka Yena. “Ka lebaka la eng, go na le yo Motee a tswetšwego Kgoši ya Bajuda, Yena o kae?” Ba be ba sa tsebe.

⁸⁵ Eupša go be go na le sehlopha sa badiši ka ntle kua thoko ya thabana ba no ba le ya bona nako, eye, mohlomphegi, ka baka la gore ba be ba tlile ka tsela ye e filwego ke Modimo.

⁸⁶ Ka fao ba ile ba dula go dikologa fao, gomme thwi yena a re, “Ke tla le botša se re swanetšego go se dira, re swanetše go ba le kopano ya khuduthamaga.” Ka fao ba bitša Khantshele ya Sanhedrin, gomme—gomme ba gopola ge e ba ba kwele se sengwe ka Yena. “Aowa, rena ga se re tsebe selo ka Yona.”

⁸⁷ Seo ke selo se se swanago se lego ka gona lehono. Ga ba tsebe selo ka Mohlahli yo, Moya wo Mokgethwa wo o fodišago, o tlatšago, o phološago, o tlilego gape. Mohlahli yo a re boditšego ka moka tšeo di diregilego, fa ke rena thwi magareng ga bona. Molekodi wa dikgopolo tša pelo; ga ba tsebe selo ka Seo, ba Mmitša gore ke go bala ga megopolo goba selo se sengwe. Ga ba tsebe gore ba ka reng ka Wona.

⁸⁸ Ka fao, le a bona, banna bale ba bohlale, ge feela. . . Elelwang, ge ba tsena ka Jerusalema, Naledi e ile ya timelela. Gomme ge feela le sa lebeletše dithutotayo le monna wa kereke ya leina gore a le ete pele go ya go Modimo, thušo ya Modimo e tla le tlogela. Eupša ge ba thoma go babja le go lapa ka yona, gomme ba ba tlogela, ba tlogela dithutotayo le dikereke tša maina tša Bajuda bao, gomme ba eya ka ntle ga Jerusalema, ka gona Naledi ya tšwelela gape gomme ba thaba

ka thabo ye kgolo ye e fetišago. Ba bona Mohlahli gape! Oo, ka fao go lego ka gona, go tseba go kereke ya kgale ya go tonya ya go itlhopha, ka gona wa ya morago go ye tee ye botse yeo e tukago, wa bona Mohlahli a etile pele, a phapano ye e lego yona! Ya, “Rena re bone Naledi ya Gagwe ka Bohlabela gomme re tlile go Mo direla.”

⁸⁹ Joshua o rile go bona, “Bjale le latele Areka, ka baka la gore ga se la ke la ba tseleng ye pele.” Modimo a ka seke a dumelela Areka go ya kae kapa kae ka ntle le fao go nepagetšego. Yo mongwe le yo mongwe o E latetše, gomme E ile thwi go putla Jorodane.

⁹⁰ Go a swana le lehono, ka Moya wo Mokgethwa. Eye, mohlomphegi. Selo se nnoši se rena re se tsebago, ge e ba ke Moya wo Mokgethwa goba aowa, rena re bona pona-... diponagatšo tša Wona, diponagatšo di hlatsela Lentšu la Modimo.

⁹¹ Bjale, e sego kgale go fetile, sehlopha sa baena se be se na le madi le oli, gomme ka moka go gabotse ge ba nyaka go dira ka tsela yeo. Ka... Seo ga se ponagatšo go nna. Ke ponagatšo ya Lengwalo, le a bona, ge feela le bonagatša se Modimo a se boletšego, ka moka seo se gabotse. Ba rile, “Le ke lebaka leo o nago le Moya wo Mokgethwa, o na le oli ka seatleng sa gago.” Bjale, nka—nka se kgone go yela seo. Le a bona? Aowa, ga ke dumele go oli e na le se sengwe go dira le wona. Gomme ge madi ao a eya go fodiša le phološo, go diregile eng go Madi a Jesu Kriste? Ge oli yeo e fodiša, go reng ka megogoma ya Gagwe? Le a bona? Le a bona?

⁹² Ke rata gore Mohlahli a tle, yo a go tlišitšego go Therešo ya Lentšu, ka gona o a tseba gore o dirile lefeela ka go wena gomme le lebetše go balla go theoga. Seo ke therešo, go lokela go fofela go tloga. Eye, mohlomphegi. Ya, ka baka la gore ke ka lebaka la eng? Mohlahli ke yo Motee Yo a e dirago ya nnete.

⁹³ Ke na le Lengwalo fa, ke file Mangwalo a, eupša ke nyaka go bala le tee le. Ke wa Bobedi Petro, ya 1 tema, ya 21 temana.

Ka fao...seporofeto se be se sa tle dinakong tša kgale ka thato ya monna: eupša ke banna ba bakgethwa ba Modimo ba ba bego ba bolela ge ba be ba išwa ke Moya wo Mokgethwa.

⁹⁴ Na seporofeto se be se etla bjang? E sego ka thato ya monna, dithutotayo tša kereke ya leina; eupša ka thato ya Modimo, ge banna ba bakgethwa ba be ba išwa ke Moya wo Mokgethwa. Yena ka mehla e bile Mohlahli wa Modimo. Wo e be e le Moya wo Mokgethwa wo o bego o le ka Pilareng yela ya Mollo, wo e be e le Moya wo Mokgethwa, monna yo mongwe le yo mongwe o a tseba gore e be e le Kriste. Moshe o tlogetše Egepita, a bona go gobošwa ga Kriste e le mahumo a magolwane go feta ale a Egepita. Kriste e be e le o Tee.

Go lokile, ge ba ema ntle kua gomme ba re, “Go lokile, O re O...Ka baka la eng, ga O ka godimo ga mengwaga ye masometlhano ka bokgale, gomme O re o bone Abraham?”

⁹⁵ Yena a re, “Pele Abraham a e ba gona, KE NNA.” KE NNA e bile o Tee yo a kopanego le Moshe ka Pilareng ya Mollo ka sethokgweng se se tukago. Eye, mohlomphegi. Yena e be e le Modimo a dirilwe nama. E sego motho wa boraro; Motho yo a swanago ka go ofisi ye e fapanego. E sego badimo ba bararo; diofisi tše tharo tša Modimo yo motee. Ka go nepagala.

⁹⁶ Tšohle gabotse, bjale, Lengwalo. Ka mehla, ge Modimo a efa, Yena o fa se sekaonekaone. Ge Modimo a be a efa tsela ya go hlamiša kereke ya Gagwe, Yena o file ye kaonekaone. Ge Yena a efa Adama le Efa, ka tšhemong ya Edene, se Yena a ba fago sona ke Lentšu la Gagwe. “Dulang ka morago ga Lentšu le, gomme le bolokegile. Eupša ge le tšwela ka ntle go tšwa go Lona, letšatši le le jago seo lona letšatši leo le a hwa.” Modimo ga se a ke a fetola peakanyo ya Gagwe. Gomme Sathane ga se a ke a fetola ya gagwe; ka fao a tsenego ka go Adama le Efa, o tsena ka go bona lehono. Ka lebaka la eng? Ka go leka go Le fa lebakantle. “Bjale, go a kwagala gore Modimo a ka se kgone. Oo, Modimo o rile,” Sathane a rialo, “eupša ka therešo Modimo yo mokgethwa a ka se ke a dira se.” Ka therešo Yena o tla dira, ka baka la gore Yena o boletše gore Yena o be a tla dira!

⁹⁷ Gomme seo ke se batho ba se boelago lehono, “Oo, bjale ema! Ga o dumele bjale, ge ke eya kerekeng gomme ke lefa karolo ya lesome ya ka, gomme ke dira se, se *sengwe*, Modimo o ya go ntelekela fase kua?” Ntle le ge monna a ka tswalwa gape, a ka seke yena le ge e le go kwišiša Mmušo wa Modimo! Le a bona? Ga go na le maitswarelelo! “Go lokile, monna wa go šokiša wa go tšofala, mosadi wa go šokiša wa go tšofala, fao go na le soulo ya go loka ya go tšofala.” Tsela e nnoši yeo ba ka bego ba bona Modimo, ke go tswalwa gape. Seo ke ka moka. Ga ke kgathalege gore ke ba bannyane bjang, ba tšofetše bjang, ke ba baswa bjang, ba dirile eng, ba ile kerekeng ga kae, ba tseba dikereke tše kae tša maina, ba ka kgona go reta thutotayo ga kaakang. Le swanetše go tswalwa gape goba ga le le ge e ka ba motheong, sa mathomo. Seo ke therešo tlwa.

⁹⁸ Ka fao, le a bona, le nyaka Mohlahli. Yena o tla le hlahlala Therešong, gomme Therešo ke Lentšu. Yena o tla le hlahlala. Gomme ka mehla e bile bjalo. Modimo ga se a swanelwa ke go fetola selo, ka baka la gore Yena ga a felele gomme Yena o tseba se e lego se sekaonekaone. Yena ke motlalagohle, Yena ke motsebatšohle, Yena ke—Yena ke dilo ka moka. O nepile, Modimo ke, ka fao Yena ga a swanela go fetoga. Tšohle gabotse.

⁹⁹ Yena ke Motišetši wa tsela ye Yena a le etago pele. Moya wo Mokgethwa, Mohlahli, ke Motišetši wa Lentšu le le swanago leo

Yena a le rutago. Bjale, Luka o be a etilwe pele ke Mohlahli, go re, “Eyang lefaseng ka moka, rerang Ebangedi go sebopiwa se sengwe le se sengwe. Yo a dumelago gomme a kolobetšwa o tla phološwa, yo a sa dumelego o tla ahlolwa. Gomme maswao a a tla latela bona ba ba dumelago; ka Leina la Ka ba tla lelekela bodiabolo ntle, ba tla bolela ka maleme a maswa, ba tla swara diserpente, ba tla nwa dilo tše di bolayago, ba tla bea diatla godimo ga balwetši gomme ba tla fola.” Gomme Beibele e boletše gore, “Ba ile pele mo gohle,” ba etilwe pele ke Mohlahli, le a tseba, “ba rera Lentšu, le maswao a latela.” E be e le eng? Mohlahli a hlatsela gore Seo e be e le Therešo!

¹⁰⁰ Yeo e be e le pholisi ya Modimo. Ke ka tsela yeo ya go alwa fase. Leo ke lenaneo la Gagwe; Yena a ka se kgone go fetoga go lona, ka baka la gore Yena ga a felele. Amene. Yena a ka se kgone go fetoga go lona; Yena ke Modimo. Nka kgona go fetoga; ke nna monna. O ka kgona go fetoga; o monna goba mosadi. Eupša Modimo ga a kgone go fetoga. Ke a felela; nka kgona go dira diphošo gomme ka bolela dilo tše di fošagetšeng, ka moka ga rena re ka kgona. Eupša Modimo a ka se kgone, gomme a ba Modimo. Sephetho sa Gagwe sa mathomo se phethagetše. Ka tsela ye Modimo a dirago lefelong la tiragalo, yeo ke tsela ye Yena a swanetšego go dira nako ye nngwe le ye nngwe. Ge Yena a bileditšwe lefelong la tiragalo go phološa modiradibe, Yena o mo phološa godimo ga motheo wa selo se setee. Nako ye e latelago modiradibe ge a etla, Yena o swanetše go dira ka tsela ye e swanago, goba Yena o dirile ka phošo ge Yena a dira nako ya mathomo. Amene. Ke a Mo rata. Ke a tseba ke Therešo.

¹⁰¹ Ke mengwaga ye masomethano tharo ka bokgale, ke rerile Ebangedi fa mengwaga ye masometharo tharo le seripa, ga se ka ke ke E bona e feila. Ke E bone e lekwa makga a šupa go dikologa lefase, go ka moka mehuta ya mabodumedu le selo se sengwe le se sengwe gape, pele ga ba bantši ba e lego seripa sa dikete tše sekete ka nako e tee, gomme Yona ga se ya ke ya feila. Ga ke bolele go tšwa go puku ye e itšego, ke bolela go tšwa go boitemogelo bja sebele, gore ke a tseba gore Modimo o ema ka morago ga Lentšu la Gagwe gomme a Le hlompha. Bjale, ge o na le mohuta wo o itšego wa thutotayo, bokaone o hlokomele yeo. Eupša Moya wo Mokgethwa o tla thekga Lentšu la Modimo.

¹⁰² Ka go Mokgethwa Johane, ya 1 tema gomme ya 1 temana, yena o re Yena ke Lentšu. Yena ke Mohlahli. “Mathomong go be go le Lentšu, Lentšu le be le na le Modimo, gomme Lentšu e be e le Modimo. Gomme Lentšu la dirwa nama gomme la aga magareng ga rena.” Nna!

¹⁰³ Petro o ile a etwa pele go re, go Ditiro 2:38, o ka amogela bjang Moya wo Mokgethwa, yena o rile, “Sokologang, yo

mongwe le yo mongwe wa lena, ka gona le kolobetswe Leineng la Jesu Kriste tebalelong ya dibe tša lena, gomme ke gona Mohlahli o tla le tšea go tloga fao go ya pele.” Ya, seo ke selo se se swanetšego go dirwa. Sa pele, sokologa dibeng tša gago, go se dumeleng ga gago, gore ga se o dumele dilo tše. Sokologa, gomme o kolobetswe, gomme ka gona Mohlahli o tla go tšea go tloga fao go ya pele. Le a bona, wo ke mošomo wa gago. Ke mošomo wa gago go sokologa. Ke mošomo wa gago go kolobetswa. Ka gona ke mošomo wa Mohlahli go go tšea go tloga fao go ya pele, go go eta pele go tloga go bokwala go ya go tsebo, go ya go boitshwaro, go ya go kgotlelelo, go ya go bomodimo, le go ya go lerato la boena, gomme Moya wo Mokgethwa o a go tswalela. Le a bona? Ka gona o ba seemo sa go tlala sa Modimo, monna wa nnete wa Modimo, mosadi wa nnete wa Modimo, o kgwapareditšwe go tloga ka go Kriste. Ke rata seo, go kgwaparetšwa go tloga fao ka go Kriste.

¹⁰⁴ Ya, Mareka o ile a etwa pele ke Moya wo Mokgethwa, go ngwala Mareka 16, ka nnete.

¹⁰⁵ Johane o ile a etwa pele ge a ngwala Kutollo. Yena o ile a etwa pele ke Mohlahli. Yena gape o ile a etwa pele ke Mohlahli gore, “Mang kapa mang yo a ka ntšha Lentšu le tee go tšwa go Yona, goba a oketša lentšu letee go Yona, yo a swanago go tla tšewa, karolo ya gagwe, go tšwa Pukung ya Bophelo.”

¹⁰⁶ Bjale, o ya go tšea selo se sengwe bjang go emela Lentšu la Modimo, gomme o sa re o etwa pele ke Moya wo Mokgethwa? Ga se dire tlhaologanyo, a se a dira? Aowa, mohlomphegi. Ga se dire.

¹⁰⁷ Yena e bile Mohlahli wa ka go kgabola bophelo. Yena o ntlahletše go ya ka Bophelong. Yena e bile yo Motee yo a nketilego pele go ya Bophelong, gomme Yena ke Bophelo bja ka. Ka ntle le Yena ga ke na Bophelo. Ka ntle le Yena ga ke nyake selo gape. Yena ka moka ke Kamoka ka go Kamoka ga ka. Ka diiring tša mathata aka, Yena o ema kgauswi le nna. Maabane Yena o ntšhegofaditše, lehono ba dirile selo se se swanago. Nka letela eng? Wa go swana go ya go ile, tumišang Leina la Gagwe! Amene. Eye, mohlomphegi. Yena o e tshephišitše. Yena o tla e dira. Yena ke Bophelo bja ka, Yena ke Mohlahli wa ka, Kamoka ka go Kamoka. Ke tshephile Yena. Ke bile le diteko tše thata. Ke tshepha Yena mo gohle ke yago. Ke nyaka o e dira. Ge le e ya go hlapa, lena basadi, tshephang Yena. Ge le eya tlase toropong, tshephang Yena.

¹⁰⁸ Ke ile ka fihla nako ye nngwe fao ke ilego ka nagana gore ke be ke le mohuta wa monna wa sethokgweng yo mobotse, le a tseba, ke tsomile kudu. Ke ile ka nagana, “Ke no ba ke šireletšegile bošilo, ga go le yo mongwe yo a yago go. . . Le ka se kgone go ntoba. Mme wa ka e be e le seripa sa Moindia, gomme ke be ke rata seo. Oo, nna! Le ka se kgone go ntoba ka sethokgweng, ke tseba fao ke lego gona.”

109 Gomme go ya go hanimune ya ka, ke ile ka mokgwa wo mongwe ka radia mosadi ga nnyane, ke ile ka mmotša, “O a tseba, hani, e tla ba selo se sebotse go rena go nyalana ka Okotoboro masomepedi tharo.” Ka nnete, se ke Morena a mpoditšego gore ke se dire.

110 Gomme ka gopola, “Bjale, hanimune ye nnyane, ke bolokile tšhelete ya ka, ke tla mo tšeela ka kua Diphorong tša Niagara, gomme ke ya ka kua Adirondack gomme ka dira go tsoma mo go nnyane.” Le a bona? Ka fao ka tšea yena le Billy, yena e be e no ba selwana se sennyane sa nthathana. Gomme ka fao ke ile ka swanela ke go mo iša go hanimune, gomme e be e le leeto la go tsoma, gape, le a tseba. Ka fao—ka fao ka gopola gore e be e tla ba selo se se botse go dira. Gomme ka fao ka mo tšeela godimo, gomme le . . .

111 Ke ile ka ngwalela Mna. Denton, lerentšere. Gomme re be re eya godimo ga Thabeng ya Hurricane. Gomme ka re, “Mna. Denton, ke tla godimo, ke nyaka go tsoma bera le wena lehlabula lena.”

112 Gomme yena a re, “Go a loka, Billy, etla godimo.” Ka fao yena a re, “Ke tla godimo kua ke letšatšikgwele le le *bjalo-bjalo*.” Go lokile, mosadi le nna ra fihla fao letšatši pele, gomme Billy, gomme ka fao ntlwana e be e notletšwe. Go be go na le ye nnyane ya go itshama go hwetša thušo ka dithokgweng.

113 Fao, Ngwanešu Fred Sothmann le nna re ilego ra ya e sego telele go fetile gomme ra ema fao. Moya wo Mokgethwa, ka Mmona a eme fao, Seetša se se kheri sela se sepele go dikologa ka sekgweng, gomme Fred a eme thwi fao. Yena a re, “Etle ka thoko, Ke nyaka go bolela le wena. Bosasa,” a re, “hlokomela, ba go beetše molaba.” A re, “Phafoga!” A seo ke therešo, Ngwanešu Fred? Gomme ka ya ka botša makgolo a batho bošegong bjoo, ka kua ka Vermont, ka re, “Fao gona le molaba wo o beetšwego nna; ke ya go o bona. Ga ke tsebe fao o lego gona.” Gomme bjona bošego bjoo latelago, fao wa tla, fao o be o le gona. A re, “A šo molaba wo o beilwego.” Eye, mohlomphegi. Eupša Moya wo Mokgethwa wa nketa pele go se ke swanetšego go se dira. Gomme, oo, nna, seo e be e no ba therešo! Oo, ba bantši ba lena ba a tseba gore e be e le eng. Ga ke na le nako ya go se bolela.

114 Eupša ke eme fao lefelong leo ka nako yeo, go ile gwa no fetogela go tonya letšatši leo. Mna. Denton o be a etla letšatši le le latelago, ka re, “O a tseba, hani, go ka ba gabotse ge nka hwetša tho—tholo ye kgolo go e tšeela gae.” Ka re, “Rena re dirile. . . ke ile ka swanelwa ke go boloka dipenenyana tše, gomme rena re sa tšwa go nyalana.” Gomme ka re, “Rena re tla hwetša nama ya rena ya marena ge nka ya go tsoma gannyane lehono.”

115 Gomme yena a re, “Go lokile, eya pele, Billy.” A re, “Bjale, elelwa, ga se ka ke ka ba dithokgweng tše,” a rialo. Yena o

be a le e ka ba dimaele tše masomepedi tlhano godimo ka dithabeng, le a tseba, gomme yena a re, “Ga ke tsebe selo ka se.” Gomme yena a re, “Ka fao ke . . .”

¹¹⁶ Ka re, “Go lokile, bjale, le a elelwa, e bile mengwaga ye mebedi ya go feta ke bolaile dibera tše tharo tšela. E be e le thwi morago bokagodimo ntlhoreng ya thaba bokagodimo kua.” Gomme ka re, “Bjale, re tla hwetša tholo ye kgolo gomme re tla hwetša le bera,” gomme ka re, “re tla ba le nama ya rena ya marega ka gare.” Go lokile, seo se kwagala gabotse kudu, le a tseba. (Gomme ra fula diperi tše ntsho, gomme ra hwetša malahle a a rena a ao—ao marega; gomme ka gona Billy o a rekišitše, gomme Meda le nna ra a tšeela manthapama ao ka morago ga ge ke bowa go tšwa go potologa.) Ka fao ka gona ka—ka re, “Go lokile, ke yo tšea sethunya sa ka, ke ya tlase fa.” Ka re, “Fao go na le tshephe tše ntši ka fa, ke tla hwetša e tee.” Gomme ka re, “O a tseba,” ka re, “gona ke tla ya ka e hwetša.” Gomme ka re, “Re tla . . . ke tla bowa morago nakwaneng ye nnyane.”

Yena a re, “Go a loka.”

¹¹⁷ Ka fao, ge ke thoma go tloga, go be go le mohuta wa fase. Gomme yo mongwe le yo mongwe wa lena batho ba New Hampshire, gomme le godimo ka New England, le a tseba gore go ra go reng ge mogudi wola o etla fase, goba kae kapa kae ka dithabeng, ga o tsebe fao o lego gona. Seo ke ka moka. Ga o kgone go bona seatla sa gago pele ga gago. Ka fao ka gona ke thoma go ya fase go kgabola mo—mo go nnyane go remilwego, o ka rego go bjalo, ka tla fase, gomme ka ya bogodimo go kgabola moragorago gomme ka tla godimo. Gomme ka bona lepogo le leso, le le bitša bjalo fa ka mo karolong ya naga. Rena re le bitša, ka Bodikela, lepogo. Ba le bitša, godimo kua, tau ya thaba. Ka moka ke phoofolo ye e swanago. Ke phuma, nnete se e lego sona. Katse ye e swanago, e ka ba dikgato tše senyane botelele, e be e imela e ka ba lekgolo masometlhano, diponto tše makgolopedi. E ile ya putlaganya mmila, gomme ka goga sethunya nnete ka lebelo, e sego ka pela go lekanela go ka hwetša go e thunya.

¹¹⁸ Go lokile, ke thelela godimo bokagodimo ga thabana, ke lelekiša lepogo le, ke hlokometše matlakala fao e sepetšego, le a tseba. Ke be ke kgona go le kwa. Yena o be a na le maoto a mane. Ke be ke tseba gore yena e be e se phoofolo ya maoto mabedi, e na le maoto a mane. Gomme ke be ke tseba gore yena e be e se tshephe, ka baka la gore tshephe e a tiba. Gomme yena o be a kgona go thelela ga bonolo ka nnete, katse, le a tseba, ka tsela yeo. Gomme bera e kgokološa moato a yona ge e sepela. Gomme ka fao ke ile ka tseba gore e swanetše go ba lepogo. Gomme o be a le ka morago ga kota gomme ga se nke ke mmone, go fihla ge ke no mo fantšha, yena o be a ile.

¹¹⁹ Gomme ke ile ka hlokomela fao a šuhlilego matlakala, le a tseba, godimo bokagodimo ga ntlhora ya thaba, gomme tlase

ka tsela ye, gomme ke be ke se ka hlokomela leru lela le etla ka nako ka moka, le a tseba, go e tla fase kgudi. Ke ile ka thellela fase, ka ya fase go kgabola moedi wo mogolo gomme ka ya ntle ka go Giants, ke latela lepogo le. Ka gopola, “Ke tla mo swara ka morago ga lebakana.” Ke tla bona lefelo, gomme ke tla kitimela godimo lefelong la go phagama, gomme ke tla lebelela ka moka go dikologa ka mokgwa woo, gomme ka hlodimela go dikologa, go bona ge e ba nka se mmone; ka theetša sekgauswi ka nnete, gomme ka ya fase, ka thellela fase gape. O be o kgona go kwa go gohla go e ya go thula, tsela pele ga ka, ge e eya ka ntle. Le a bona, yena o be a thula mehlare gona ka fao ga se ka ke ka kgona go mo latela. Le a bona, yena o be a le bohla, ya namela ka mehlaeng gomme ya taboga go tloga mohlaeng go ya mohlaeng. Ka gona a tseba gore nka se sa kgona go mo latela kua. Oo, ka gopola, “Oo, ka mokgwa ofe kapa ofe!”

¹²⁰ Ka thoma go ya morago godimo ka molapo, gomme ka nkgelela bera, bera ya go tšofala ya kgotho. Ka gopola, “Ke tla mo hwetša bjale, mošemane, seo se gabotse!” Ka nkgelela gape, gomme ka ya kgojana ga nnyane, gomme ka hlokomela ka moka mehuta ya maswao le se sengwe le se sengwe. Ka se kgone go bona selo; ka ya morago fase, lehlakoring le lengwe la thaba. Gomme ka gona ka thoma go lemoga, go e ba kgudi ga nnyane. Gomme ka nkgelela gape, gomme yena o be a le moyeng felotsoko. Ka re, “Aowa. Bjale, go diregile eng, phefo e be e etšwa ka tsela ye, gomme ka tla. . . Monkgo wa bera o tla go tšwa fa tlase ka tsela yela, gomme ke kgabagantše go dikologa bjale gomme phefo e tla tšwa thoko ye nngwe ye. Ka fao ke swanetše go ya morago fao ka go nkgelela bera nako ya pele, gomme ke e tšee go tloga fao.”

¹²¹ Gomme mmileng wa ka morago, ka lebelela go kgabaganya molapo, ka bona sekgwa se šišinyega. Gomme ge ke dirile, selo se sengwe se seso sa šišinyega. Ka gopola, “Sele yona.” Ka lahlela legapi godimo ka gare ga sethunya, ka lebelo ka nnete, gomme ka ema se. Gomme, ge e dirile, e be e le tholo ye tona ye kgolo, ye tee ye tona ye kgolo. Ka gopola, “Yeo e no ba ye ke bego ke e nyaka, go le bjalo.” Ka thunya tholo.

¹²² Ka gopola, “Go lokile!” Ga se ka ke ka ela hloko gore e be e le mohuta wa. . . Nako ya ge ke mo lokišetša godimo, ka lebelela. . . Ka hlwekiša diatla tša ka gomme ka lokiša thipa ya ka, ka e bea morago. Gomme ka gopola, “Tumišang Modimo! Ke a Go leboga, Morena Jesu, O mphile nama ya ka ya marena. Tumišo a e ye go Modimo!” Gomme ka tšea sethunya sa ka. Ka gopola, “Ke tla ya thwi morago go hlatloga molapo fa bjale.” Ka re, “Lebelela mo, mošemane, ledimo le a tla. Bokaone ke tšwe ka mo gomme ke ye morago kua go Meda le bana.” Ka re, “Ke swanetše go phakiša.”

¹²³ Ka ya go rotoga molapo, ka konopolla jase ya ka ye kgolo ye khubedu, gomme ke be ke kitima go rotoga molapo ka tsela ye, go dikologa. Selo sa pele le a tseba, ke ile ka gopola, “Nna,

na ke retologile kae?” Phefo e be e šetše e le tlase, mehlare e thulana mmogo. Ka gopola, “Na ke retologile kae?” Ka ya go dikologa. Ke—ke be ke tsebe gore ke be ke eya thwi go otlologa go ya Thabeng ya Hurricane. Eupša ke ile ka direga gore ke eme, gomme ke be ke etšwa mphufutšo, ka gopola, “Molato ke eng fa? Ke sepetše seripa sa iri, goba dikotara tše tharo, gomme ga ke kgone go hwetša lefelo lela ke tepogilego go lona.” Ke lebelela godimo, gomme fale go be go lekeletše tshephe ya ka. Ke be ke le thwi lefelong le le swanago. Ka gopola, “Go lokile, na ke dirile eng?”

124 Go lokile, ka thomolla gape. Ka gopola, “Ke tla e dira ka ye nako, ke be ke no ba ke sa ele hloko.” Ke ile ka hlokomela mosepelo wo mongwe le wo mongwe mo kae kapa kae, ke hlokometše. Ka tšwela pele ke nyaka, ke nyaka, ke nyaka. Wona maru a etla, ke a tseba ledimo la lehlwa le be le le mmileng, kgudi e lepeletše bofase, gomme ka thoma go ela hloko. Ka gopola, “Ke tla pejana ga nnyane,” ka ya godimo, godimo, godimo, godimo, godimo, godimo, godimo. Gomme ka gopola, “Go lokile, se se a makatša, go bonala o ka re ke bone lefelo le pele.” Gomme ka lebelela, gomme fale go be go lekeletše tshephe ya ka. Le a bona?

125 Le a tseba gore ke be ke le go eng? Maindia ba o bitša “mosepelo wa go hwa.” Le a bona, o sepela ka ntikudiku, go dikologa le go dikologa. Go lokile, ka gopola gore ke be ke le mohlahli yo mobotse kudu go ka ke ka timela. Le a bona, ga go selo se swanetšego go mpotša ka sethokgweng, ke be ke tseba tsela ya ka go dikologa. Le a bona?

126 Gomme ka thoma go tloga gape. Ka re, “Nka se kgone go dira phošo ye.” Gomme ka tla morago gape.

127 Ka sepela go rotoga molapo seripana se sennyane, nako yeo ke ge e dirile go thoma go foka. Oo, nna, lehlwa mo gohle! Gabotse ge o eya go ba leswiswi. Gomme ke be ke tseba gore Meda o be a tla hwa bošego bjoo ka lešokeng, o be a sa tsebe gore a ka itlhomela bjang ka boyena. Gomme Billy o be a no ba e ka ba mengwaga ye mene ka bokgale, mengwaga ye meraro ka bokgale, selwana se senyane sa serathana feela. Gomme ka gopola, “Ba tla dira eng?” Go lokile, ka ya go hlatloga bokgole bjo gomme ka thula sehlophana sa mmalewaneng, ka gopola, “Ke mpapatleng lefelong tsoko, gomme ga ke kgone go bona selo, ka moka ke kgudi.” Ke be ke eya go dikologa bjale.

128 Ka setlwaedi, ke be ke swanetše go hwetša lefelo gomme ke panolle, ge nkabe ke be ke na le yo mongwe le nna. Ke be ke tla panolla go fihla ge ledimo le fetile, letšatši goba a mabedi, gomme ke be ke tla tla ntle. Ke sege seripa sa tshephe ya ka . . . bokagodimo ga mokokotla wa ka, gomme ke ye ka gare, ke je, gomme ke lebetše ka yona. Eupša o ka se kgone go dira seo, gomme mosadi wa gago le ngwana ba robetše godimo kua ka sethokgweng, ba a senyega. Le a bona?

129 Ka fao ka thoma go nagana, “A nka kgona go dira eng?” Ka fao ka ya pejana ga nnyane. Gomme ka gopola, “Bjale, ema. Ge ke tshela moedi wola wa mathomo, phefo e be e le ka sefahlegong sa ka, ka fao ke swanetše go ba ke tlile ka tsela ye. Ke swanetše go tla ka tsela ye.” Gomme ke tlarumile tsela ka moka ka mehlareng ya Giants, eupša ke be ke sa tsebe fao ke bego ke le gona. Ka re, “Oo!” Ka thoma go ba le poifo. Gomme ka gopola, “Ema motsotso, Bill, ga se wa lahlega,” ke leka go iphora ka bonna. O ka se kgone go le fora. Aowa, aowa. Leo ke letswalo la ka garegare le go botša gore o phošong.

130 Oo, o—o leka gore, “Oo, nna ke phološitšwe, ke ya kerekeng.” O seke wa tshwenyega, leta go fihla nako yela ya lehu mpeteng e etla, gomme o tla tseba gore go a fapana. Letswalo la gago le a go botša. Selo se sengwe ka gare ga gago se a go botša gore o phošong. Le a bona? O a tseba gore ge o ehwa o ka se kgone go gahlanetša Modimo yo mokgethwa. Bjalo ka ge re Mmone bošego bja go feta, le Barongwa ba bakgethwa ba swanelwa ke go khupetša difahlego tša bona go ema pele ga Gagwe. O ya go ema bjang ka ntle ga Madi a Jesu Kriste go go khupetša?

131 Ka gopola, “Oo, ke tla e dira.” Ka thoma go ya pele. Gomme ka hwetša ntle gore ke be ke tšwela pele ke ekwa Selo se sengwe. Ka gona ka thoma go boifa. Gomme ka gopola, “Bjale, ge ke dira seo, ke ya go ya go ba diripana.” Seo ke ka mehla se monna wa go lahlega a se dirago, o ya go ba diripana ka dithokgweng. Ka gona o tla tšea sethunya sa gagwe, a ithunya ka boyena; goba a wela ka legageng gomme a robega leoto, gomme a robala fao, o tla hwa. Ka fao ka gopola, “Ke ya go dira eng?” Ka fao ka thoma go sepele pele.

132 Gomme ka tšwelapele ke ekwa Selo se sengwe se re, “Nna ke yona Thušo ye e lego gona ka nako ya bothata.” Ka no tšwela pele ka sepelele pele.

133 Ka gopola, “Bjale, ke a tseba gore ke thoma go tšwa tseleng ga nnyane bjale, ke kwa Lentšu le bolela le nna.” Ka tšwela pele ke sepelele pele. Ka ya, “we, we, we,” ke letša molodi, le a tseba. Ka gopola, “Bjale, ga se ka lahlega. O tseba fao o lego gona, mošemanyana! Molato ke eng ka wena? O ka se kgone go lahlega. Ke wena—ke wena motsomi yo mobotse kudu, o ka se kgone go lahlega.” Boikgantšho bja sebele, le a tseba, ke itira ka bonna go iphora ka bonna go kgabola.

134 O ka se kgone go le fora. Tsela tlase *fa* go na le lebili le lennyane le le dikologago, le re, “Mošemanyana, o lahlegile gomme o a tseba gore o dirile. Le a bona, o lahlegile.”

135 Ka tšwela pele ke sepelele pele. “Oo, ga se ka lahlega! Ke tla ba ka moka gabotse. Ke tla hwetša tsela ya ka go tšwa.” Dilo di thoma go lebelelega ka mokgwa wo o sego wa tlwaelega, diphefo tša tswalela. Lehlwa la thoma go

fofa, lehlwa le lennyane la dithoro, re le bitša “la go tshwela fase.” Ka gopola, “Mosadi le ngwana! Ga ke . . .” Ka gopola, “Oo, nna!”

¹³⁶ Thwi ka kwa Sela gape, se re, “Ke nna yona Thušo ye e lego gona ka nako ya bothata.” Gomme ke be ke le modiredi wa Ebangedi nako yeo, ke rera thwi fa tabarenakeleng.

¹³⁷ Ka fao ka gopola, “Go lokile, nka kgona go dira eng?” Ka ema, ka lebelela mo gohle, gomme fao go be go šetše go le kgudi fase bjale. Ka . . . Seo e be e le sona. Go be go se selo se se bego se ka kgona go dirwa nako yeo. Ka gopola, “Oo, nka kgona go dira eng?” Ka gopola, “Mohlomphegi, ga ke na le maswanedi a go phela, ke bile le go itshepha ka bonna kudu. Ke be ke gopola gore ke be ke le motsomi, eupša ga ke yena.”

¹³⁸ Gomme, ngwanešu, ka mehla ke be ke Mo tshepha. Go thunya, ke na le direkhote kua. Gomme go ba monna wa go thea dihlapa, ke wa go se kgone, eupša ka mehla ke be ke tshepha Yena. Go thunya, ke mothunyi wa go se kgone, eupša Yena o ntirile gore ke dire direkhote tša lefase ka gona. Le a bona? Ke thunya tshephe, a šupa, a se seswai makgolo a dijarata. Ke na le sethunya godimo kua se bolaile masometharo tlhano a dihlogo tša diphoofolo tša lešoka ntle le go phoša mothunyo ka sona. Eno bala seo kae kapa kae, ge o ka kgona. Le a bona? Ga se nna, ke Yena. Ke Mo tshephile.

Ke be ke le fao, ka gopola, “Nka kgona go dira eng? Nka kgona go dira eng?”

¹³⁹ Ka tšwela pele. . . Seo se etla kgauswana, kgauswana, “Ke nna yona Thušo ye e lego gona ka nako ya bothata, yona Thušo ye e lego gona.”

¹⁴⁰ Ka gopola, “A ke Modimo yo a bolelago le nna?” Ka rola kefa ya ka go tloga. Ke be ke rwele kefa ya ka ya go potologa, sekatuku se sehubeu se e dikologile. Ka e bea fase. Ka apola jase ya ka go tloga, e be e kolobile. Gomme ka bea jase ya ka fase, ka bea sethunya sa ka godimo go ithekga ka thoko ga mohlare. Ka re, “Tate wa Legodimong, bjale ke fihlile bokagodimo bja ka mong, ke kwa Lentšu le bolela le nna. A ke Wena?” Ka re, “Morena, ke ya go amogela go Wena gore ga se nna motsomi. Ga ke yena, ga—ga ke kgone go hwetša tsela ya ka tikologong. O swanetše go nthuša. Ga ke na le maswanedi a go phela, gomme ke dira dilo tše ke di dirilego, ke tlile fa gomme ke nagana gore ke tseba kudu nka se ke ka lahlega. Ke nyaka Wena, Morena. Mosadi wa ka ke mosadi wa go loka. Ngwana wa ka, mošemanyana wa ka yo monnyane, mmagwe o ile, gomme yena o leka go ba mme go yena, gomme ke sa tšwa go mo nyala. Gomme šo fa, segotlane, kua ka dithokgweng, mmogo ba tla hwa bošegong bjo. Phefo yela, e tla retologela e ka bago lesome ka fase ga lefela, gomme ba ka se tsebe gore ba ka phela bjang. Ba tla hwa bošegong bjo. O seke wa ba

lesa ba hwa, Modimo. Ntšeele go bona, gore ke kgone go bona gore ga ba hwe. Ke lahlegile! Ke lahlegile, Modimo! Ga—ga ke kgone go hwetša tsela ya ka tikologong. A ka kgopelo O ka se nthuše? Gomme lebalela, nna ka tsela ya ka mong ya boipea gare ka bonna! Nka se kgone go dira selo ntle le Wena, Wena o Mohlahli wa ka. Wena nthuše, Morena.”

141 Ke ile ka emelela godimo, gomme ka re, “Amene.” Ka topa sakatuku sa ka; jase ya ka, ka e topa; ka bea kefa ya ka morago godimo; ka topa sethunya sa ka. Ka re, “Bjale ke ipeakanya ka bonna ka tsela ye kaonekaone kudu yeo ke tsebago gore ke ya bjang, yona kwišišo ye kaonekaone ya ka; gomme ke tla go otlogoga ka tsela e tee, ka gore ke sepela go dikologa ntikodiko felotsoko, ga ke tsebe gore kae. Eupša ke tla ya ka tsela ye Wena o mpotšago, Morena Modimo, Mohlahli wa ka.”

142 Ka thoma go sepela ka tsela *ye*. Ka re, “Yona ke ye, gomme ke swanetše go itira ka bonna go e dumela. Ke ya ka tsela *ye*. Ke ya go otlogoga ka tsela *ye*. Ga ke ye go fapoga, ke ya ka tsela *ye*. Ke a tseba gore ke nepile. Ke ya ka tsela *ye*.” Ge nka be ke ile ka tsela yela, nkabe ke ile ka lebanya go fapogela Canada. Le a bona?

143 Feela ka yona yeo ka kwa Selo se sengwe se nkgwatha legetleng la ka, seatla, se kwagala bjalo ka seatla sa monna, ka lebelo, mo e lego gore ke ile ka retologa go dikologa gore ke lebelele. Fao go be go se motho yo a bego a eme fao. Ka gopola, “E be e le eng seo?” Še Beibele e robetše pele ga ka. Modimo, Mohlahli wa ka le Moahlodi, o eme fa. Ke ile ka no lebelela godimo. Gomme thwi morago ka tsela *ye*, kgudi yela e be e apogile morago go fihla ke kgona go bona tora godimo ga ntlhora ya Thaba ya Hurricane. Go tloga thwi go otlogoga go tšwa go yona, bjo bokaonekaone bokgoni bja go tsoma ga ka, ke be ke tloga go katoga go tšwa go yona, go e ba llata ka nnete mantšibuwa. Ka retologa ka pejana, ka itebanya ka bonna ka mokgwa *wo*. Ka topa go swara kefa ya ka gomme ka emišetša diatla tša ka godimo, ka re, “Ntlhahlele ka kua, Modimo, Wena o Mohlahli wa ka.”

144 Ka thoma. Ke ile ka swanela go ya thwi go otlogoga godimo ga dišitiši le selo se sengwe le se sengwe ke eya kua, go e ba llata le go ba llata. Nako yeo gwa ba leswiswi. Ditshephe di be di taboga ka pele ga ka, le selo se sengwe le se sengwe. Ke be ke sa kgone go nagana ka selo eupša go itota ka bonna tseleng e tee, thwi go hlatloga thaba ye.

145 Gomme ke a tseba ge ke be nka kgona go fihla toreng, Mna. Denton le nna . . . nna ke thušitše go bea laene godimo ga seruthwane seo. Re gogile motato wa mogala go tšwa go Thaba ya Hurricane, tsela ka moka e bago dimaele tše tharo le seripa goba tše nne, thwi tlase go ya kampeng. Gomme e ya tlase thwi ka mohlalana wo monnyane, eupša, lehlwa godimo kua, o be o

ka se kgone go bolela mohlala. Le a bona? Le phefo e tšutla le se sengwe le se sengwe, e be e le leswiswi gomme la go hlakana le ledimo le, eya, o be o ka se kgone go bolela fao o bego o le go gona. Go lokile, selo se nnoši ke tsebegile go se dira, ka morago ga ge go bile leswiswi, gomme ga se nke ke tseba. . . ke a tseba gore ke be ke e ya ka tsela e tee, gomme thwi go rotoga thaba. Ka baka la gore ke be ke swanetše go ya go rotoga thaba, gomme tora e be e dutše godimo ga thaba, gomme ke be ke na le e kaba dimaele tše tshela go fihla go yona. E no nagana, kgudi yela e apogetše morago, dimaele tša tshela, molete o tee feela, go fihla nka kgona go e bona!

146 Gomme ka gona ke—ke be ke swara sethunya sa ka ka seatleng *se*, gomme ke swara seatla *se* godimo, ka baka la gore ke be ke tlemile mo—motato godimo ga mehlare ka mokgwa wola o eya tlase, metato ya mogala go ya ngwakong, gore yena a kgone go bolela le mosadi wa gagwe, gomme ka gona a biletše ntle go tšwa kua, go tšwa thabeng. Gomme ke be ke eya go thuša go e tšeela fase lehlabuleng leo. Gomme ke be ke na le seatla sa ka godimo ka mokgwa *wo*, ke re, “O Modimo, ntire gore ke kgwathe llaene yela.” Ke sepela, gomme letsogo la ka le be le e ba bohloko kudu, le lapile, ke be ke sa hlwe ke kgona go le swara, gomme ka swanela ke go le iša fase. Gomme ka fetola sethunya gomme ka se bea ka go *lela*; ka gata dikgato di se kae go ya morago gore ke be le nnete gore ga ke e foše, ka gona ka emišetše seatla sa ka godimo, ka thoma go sepela, go sepela. Go e ba llata, leswiswi, phefo e tšutla. Oo, ke be ke ubarela go swara lekala, ke re, “Wo ke wona! Aowa, wo ga se wona.” Oo, e fa. . . Le seke la e dira gore e fe modumo wo o sa hlakego.

147 Ka morago ga lebakana, ge ke šetše ke lokela go lahlela toulo, seatla sa ka sa thula selo se sengwe. Oo, nna! Ke hweditšwe, ge ke be ke lahlegile. Ke ile ka swarelela go motato woo. Ka lahla sethunya thwi fase, ka tšea kefa ya ka go tloga hlogong ya ka, gomme ka ema fale. Ka re, “O Modimo, a boikwelo bjo e lego bjona go hwetšwa, ge o be o lahlegile.” Ka re, “Thwi tlase mafelelong a motato wo, nka se ke ka be ka o tlogela wa lokologa. Ke tla swarelela go motato wo. O tla ntlahlela thwi go otlogela fao ka moka lefaseng se se rategago go nna se robetšego, thwi tlase kua. Mosadi wa ka le ngwana, ka tlalelo, a sa tsebego fao ke lego, a sa tsebego go gotša mollo, a sa tsebego seo a ka se dirago, gomme diphefo di a foka, gomme makala a phatloga gomme a wa go tšwa mehlareng.” Ke be ke se ka ikemišetša go tlogela motato woo. Ke ile ka swara motato woo go fihla o ntlahlela thwi ka gare fao ka moka se se ratwago go nna lefaseng se bego se le gona.

148 Bjo e bile boitemogelo bja go befa, gomme boitemogelo bjo bogolo go hwetša tsela ya ka ya go tšwa, eupša ao e be e se seripa sa bjona. Letšatši le lengwe ke be ke lahlegile ka sebeng. Ke ile kereke ka morago ga kereke, ke leka go hwetša Selo

se sengwe. Ke ile go Maseventh-day Adventists, ba mpotša, “Boloka Sabata, tlogela go ja nama.” Ka ya kua go kereke ya Baptist, kereke ya pele ya Baptist, yena a re, “E no emela godimo gomme o ba botše gore o dumela Jesu Kriste Morwa wa Modimo, gomme ke tla go kolobetša, yeo ke yona.” Fao go be go se selo. Eupša letšatši le lengwe, ntle ka mokutwaneng wa malahle, ke ile ka swarella diatla tša ka godimo, gomme ka tlimarela go swara Selo se sengwe; goba, a nke ke re, Selo se sengwe sa fihlelela go ntshwara. E be e le llaene ya Bophelo, Mohlahli. Gomme Yena o nketile pele ka polokego bokgole bjo, ga ke ye go tšea seatla sa ka go tloga go Motato wola. Ke swareletše diatla tša ka go Yena. A nke dithutotayo, dikereke tša maina di dire eng kapa eng di se nyakago, ke swareletše go Mohlahli. Ka gore ka moka tše di kilego tša ba lefaseng le ka moka tše di lego Legodimong, tšohle di rago bohlokwa go nna, di mafelelong a Llaene ye. Yena o ntlišitše ke bolokegile bokgole bjo, ke tla tšepa Yena tsela ka moka. “Ge Yena Moya wo Mokgethwa a tlile, Yena o tla le hlhla gomme a le etela pele go ya go ka moka . . .”

¹⁴⁹ Bagwera, O ntlišitše fao ke lego lehono. O ntirile se ke lego sona. Nka kgona ka lethabo go go tsebiša go Wona. Wona ke Mohlahli a nnoši yo ke tsebago se sengwe ka yena, fa godimo ga lefase goba godimo Kua. Yena ke Mohlahli wa ka ge ke e ya go tsoma. Yena ke Mohlahli wa ka ge ke eya go thea dihlapa. Yena ke Mohlahli wa ka ge ke bolela le yo mongwe. Yena ke Mohlahli wa ka ge ke rera. Yena ke Mohlahli wa ka ge ke robala.

¹⁵⁰ Gomme ge ke etla go hwa, Yena o tla be a eme nokeng. Yena o tla ntlhahla go tshela tsela. “Nka seke ka boifa bobbe, ka gore Wena o na le nna. Molamo wa Gago le lepara la Gago, ka moka di a mphošolla gomme di ntlhahla go tshela noka.”

A re rapeleng.

¹⁵¹ Tate wa Legodimong, ke leboga kudu ka Mohlahli, yo Motee Yo a ntlhahlago. Oo, nako ye nngwe, Tate, ga ke kgone go Mo kwa go ntikologa, ke a tšhoga. Ke Mo nyaka kgauswi le nna ka baka la gore ga ke tsebe gore ke nako mang mo ke yago go kitimela godimo nokeng. Ke Mo nyaka gore a be kgauswi le nna. O seke wa be wa tsoge wa ntlogela, Morena. Nka se kgone go bolela, nka se kgone go rera, nka se kgone go tsoma dithokgweng, nka se kgone go thea dihlapa lešing, nka se kgone go otlela koloi ya ka, fao ga go selo nka kgonago go se dira ntle le Wena. Wena o Mohlahli wa ka. Ke thabile bjang go botša phuthego ye bošegong bjo, ka fao Wena o ntlahlilego ka gona ka go ka moka dilo tše, ka fao Wena o ntlišitšego!

¹⁵² Ke be ke nagana letšatši le lengwe; e sego go feta mengwaga e sego mekae ya go feta, ke eme fa seterateng, gomme ka baka la gore lapa la gešu le dirile phošo, ga go na le o tee yo a bego a ka bolela le nna. Ke be ke hlologetše

kopanelo. Ga go le o tee yo a bego a nyaka eng kapa eng go dira le nna. Ba be ba re, “Tatagwe ke segatamorokwana.” Gomme, Morena, a bona gore ga go yo motee a nyakago go bolela le nna. Gomme ke rata batho. Eupša letsatši le lengwe ge ke tlimerela go swara Llaene yela! Bjale ke a gopola, Morena, ke swanetše go ngwega go tloga gomme ke tšwele ntle ka lešokeng go hwetša go khutša ga nnyane. Ke eng se se e dirilego? E sego ka sebele, e sego thuto; ga ke nayo. Eupša e bile Wena, Morena. Wena, Morena. Wena o ntlahletše go senepša sa lefela, Wena o ntirile go swara hlapi ye kgolo, ka baka la gore Wena o a tseba gore ke be ke nyaka go e dira. Wena o mphile bo tate le bo mme. Wena o mphile banešu le dikgaetšedi. Wena o mphile go fola ga ka. Wena o mphile mosadi. Wena o mphile lapa. Wena o Mohlahli wa ka, Morena. A nke ke sware seatla sa Gago, o seke wa be wa ntumelela go retologela go hlepha. Ge seatla se setee se lapa, ke tla no fetola diatla. Nthuše, Morena.

¹⁵³ Gomme bjale a nke yo mongwe le yo mongwe ka fa a tšee go swara llaene yela ya Bophelo ye e swanago, Morena, Moya wo Mokhethwa wo e lego Bophelo bja rena, mothopo wa go fa Bophelo. Gomme a nke O re hlahle ka moka go ya go Naga yela ya lethabo ka kua, fao ditapišego tša bophelo di fedilego gomme mošomo wa rena lefaseng o dirilwe, gomme ka gona go ka se sa ba le lebaka la botšofadi, ga go motho yo a fokolago, ga go mašego a go lapa, ga go sa na le go lla le go rapela, ga go sa na le dipitšo tša aletareng, eupša re tla ba ba baswa kua go ya go ile, bolwetši le manyami di ka se sa ba gona. Fao go ka se sa ba le sebe, gomme re tla phela ka toko ya Modimo go kgabola mabaka ka moka ao a sa tlogo, go kgabola Bokagosafelego mo go ka se kgaotšego. E fe, Tate.

¹⁵⁴ Gomme bjale, Tate, ge go na le ba ba itšego ka fa bošegong bjo yo ba sego ba ke ba swara llaene yela ya Bophelo, a nke ba E hwetše thwi bjale. Gomme a nke Moya wo Mokgethwa Wo o hlhlilego. . . Gomme nka kgona go bolela go tšwa pelong ya ka, ka seatla sa ka godimo ga Lentšu la Gago, Yena ka mehla o bile therešong. Ke phošong dinakong tše ntši. Eupša Yena o therešong. A nke Yena a dule le nna, Morena. A nke ke dule le Yena. Gomme a nke ba bangwe ka fa, ba ba sa Mo tsebego bošegong bjo, a nke ba tšee go swara seatla sa Gagwe se se sa fetogego, gore ba kgone go hlhalelwa tlase.

¹⁵⁵ Gomme letsatši le lengwe re tla go ya nokeng. Go ya go ba kgudi mosong woo, gape. Lewatle la kgale le tla be le rora, Jorodane ya kgale, maphotho a itia ka lebelo, lehu le kgama bophelo go tšwela ka ntle ga rena. Eupša, Modimo, nka—nka seke ka boifa. Ke e lokišitše nako ye telele ya go feta. Ke no nyaka go rola helemete, bjalo ka lešole, ke retologe go dikologa, ke lebelela morago go theoga tsela go bona fao Llaene yela e ntlahlatšego go ya gona. Ke bone ka moka

lešoka le ke tlilego go le kgabola, le mogola go gobelana wo mongwe le wo mongwe, le mokgobo wo mongwe le wo mongwe wa maswika wo ke hweditšego dikgobadi go wona, eupša ke swere Motato. Bjalo ka ge Wena o boletše, moreti o dirile, “Ba bangwe go kgabola meetse, gomme ba bangwe go kgabola mafula, ba bangwe go kgabola diteko tša go subeletša, eupša ka moka go kgabola Madi.” Gomme ke nyaka go tšea Ye, Tšhoša ya kgale fa, ye e ntšhireleditšego mmogo mmileng, gomme ke E hlomele morago ka sekhwameng sa Yona, gomme ke goeletše ntle, “Tate, romela mošono sekepe mosong wo, ke tla ka gare gae.” Wena o tla be o le fao, Morena. Wena o e tshephišitše. Wena o ka se šitwe.

¹⁵⁶ Šegofatša yo mongwe le yo mongwe a lego fa bjale. Gomme ge ba sa tsebe gore ba ka swara bjang Llaene ye, gomme ba se ba be ba E kgwatha, a nke diatla tše kgethwa di emele godimo bjale, diatla tše di hlokago, diatla tše di nyakago, gomme di kgwathe llaene ya Bophelo ye e tla ba etellago pele go ya go senyakwa sa pelo ya bona, khutšo ye e phethagetšego le kgotsofalo, go khutša ka go Kriste.

¹⁵⁷ Ka dihlogo tša rena di inamišitšwe, a go ba diatla tše emelago godimo gomme dire, “Ntumelele. Swara seatla sa ka”? Oo, Modimo a le šegofatše.

Ge tsela e gola bodutu, Morena yo bohlokwa,
dikologa kgauswi,
Ge bophelo bja ka ga botse bo ile;
Nokeng ke tla ema, hlahla maoto a ka, swara
seatla sa ka,
Tšea seatla sa ka, Morena yo bohlokwa,
nketelle go ya pele.

¹⁵⁸ A go ka ba le yo mongwe yo a emišitšego seatla sa gagwe godimo, a re, “Morena, ke nyaka go kwa kgwatho ya llaene ya Bophelo bošegong bjo. Ke nyaka go kwa gore Kriste o ntshwaretše dibe tša ka, gomme ke nyaka go ba sebopiwa se seswa go tloga iring ye go ya pele”? Modimo a go šegofatše. A go ka ba le yo mongwe yo rego, “A nke ke Go kgwathe, Morena. A nke ke lahlegelwe ke bonna”? Modimo a go šegofatše, kgaetšedi. “A nke ke lahlegelwe ke bonna, gomme ke e hwetše, Morena, ka go Wena.” Modimo a go šegofatše. Gomme Modimo a go šegofatše. Seo se gabotse. “A nke ke lahlegelwe ke bonna, Morena. A nke ke lebale.” Modimo a go šegofatše, ngwanešu. “A nke ke...” Modimo a go šegofatše, kgaetšedi. “A ke no lahlegelwa ke tsebo ya ka ka moka.” Modimo a go šegofatše, kgaetšedi. O seke wa tshepha mananeo a madirwa ke monna. Latela Mohlahli, Yena o tla go hlahlela Therešong ka moka. “Nkete pele, Morena Jesu, nkete pele.” Modimo a go šegofatše morago kua. Oo, fale go na le diatla tše ntši tše di lego godimo, di nyakago phološo. Bjale ge re sa . . .

¹⁵⁹ Aletare fa, o ka se kgone go bitša aletare, ka baka la gore batho ba dutše mo gohle. Eupša Yena o thwi fao. Le tseba gabotse le go loka, ge o emiša seatla sa gago, selo se sengwe se diregile ka pelong ya gago. Jesu o rile, “Yo a kwago Mantšu a Ka gomme a dumela go Yo a Nthomilego, o na le Bophelo bjo bosafelego.” A o a e ra? Gona fale go na le mogobe o tladitšwe ke meetse. Fao go tla ba nako ye ntši ya kolobetšo. A re rapeleng.

¹⁶⁰ Tate wa rena wa Legodimong, Molaetša wo monnyane wo wa go se kgomagane bošegong bjo ka lentšu la makgwakgwa, Moya wo Mokgethwa o swanetše go ba o ile ka ntle felotsoko. O ile fao O bego o nepilwe gona, gomme fao go ba bantši, Morena, bošegong bjo, bao e ka bago lesometlhano goba masomepedi ba emišeditše diatla tša bona godimo, gore ba nyaka Mohlahli. Ba lemogile gore ba leka go itlatlafatša ka bobona. Ba leka gore “Ke gabotse ka moka,” eupša tsela fase botebong ba a tseba gore ga ba bjalo. Gomme ba nyaka go ikwela Wena, Morena. Ba nyaka Mohlahli. Ba nyaka go saenela godimo. Wena ga wa rwala go fitišiša. Ba nyaka go saenela leeto le godimo. Ga ba tsebe gore go fihlwa bjang kua. Ga go le o tee yo a tsebago mokgwa wa go ba tšeela kua; Wena ke wena o Nnoši. Ba tlela Mohlahli yo a filwego ke Modimo, Moya wo Mokgethwa. Ba emišeditše diatla tša bona godimo.

¹⁶¹ O Moya wo Mokgethwa le Mohlahli, e tla fase godimo ga bona. Swarela sebe se sengwe le se sengwe. Le balela makgopo a bona. Ba tšeela ka Mmeleng wa Kriste bošegong bjo, fao ba ka kgona go ikwela maphotho a Modimo a elela go kgabola Llaene yela yeo e tla ba etelago pele tlase go ya Jorodane, gomme ba tshela Jorodane go ya Nageng ya tshepišo. A nke ba latele go otloga ka morago ga Lentšu. Lentšu le rile, “Sokologang, gomme ka gona le kolobetšwe Leineng la Jesu Kriste.” Nkabe ba sa leke tsela ye nngwe. A nke ba latele thwi ka morago ga Lentšu, ka gore ke Yena a nnoši o Tee yo a tla ba hlahlago. Ao ke—ao ke magato a go namelela godimo go fihla e kgona go tlimarela go swara Mohlahli. E fe, Morena. A nke e be ba Gago. Ba ka diatleng tša Gago bjale, bjalo ka mefaphahlogo, ga go monna yo a ka ba utlelago ntle. Ke a dumela gore Wena o tla ba tšea, bjalo ka batho ba ba phološitšwego. Ke a dumela ba emišeditše diatla tša bona godimo, ba be ba ka se kgone go dira seo ka bobona ntle le ge Selo se sengwe se boletše le bona. Yoo e be e le Wena, Moya wo Mokgethwa le Mohlahli.

¹⁶² Ba a bona iri e tswalella ka gare, kgudi e tla godimo ga lefase, dithutotayo tše kgolo le—le dilo di kopana mmogo, dikereke di a kopana, di tla mmogo. Gomme, O Modimo, ka fao ba lekago gore, “Ka moka bao ba nago le go se kwišišege ba swanetše go tloga fa gomme ba ye Alaska.” Gomme ka moka matšhošetši a, ga se a maswa go rena, Mohlahli yo mogolo o re laeditše seo ka tseleng ya Lentšu. Re no feta go kgabola karolo yeo ya Lona.

163 Tate, Modimo, Wena o boletše le bona bošegong bjo, gomme ke ba neela go Wena bjale bjalo ka mefaphahlogo ya Lentšu. Leineng la Jesu.

164 Bjale, tše di robetšego tsekeng fa, Tate, ke disakatuku, ke tša batho ba ba babjago, ngwana yo monnyane, mohlomphegi, mme yo a itšego, kagetšedi yo a itšego, ngwanešu yo a itšego; le dikoromo tša moriri di hlabile ka go tšona. Gomme bjale ke di swarela godimo kgauswi le nna. Bjale, re a rutwa ka Beibeleng gore ba ile ba tšea go tšwa mmeleng wa Paulo disakatuku le dithethwana, gomme batho ba go babja ba ile ba fodišwa, memoya ya ditšhila ya tla ka ntle ga batho. Bjale re a lemoga, Morena, Paulo e be e le monna, yena e be e no ba monna. Eupša e be e le tlotšo ya Moya wo Mokgethwa yeo e bego e le godimo ga gagwe yeo ya go šegofatša disakatuku, le tumelo yeo batho ba bego ba na le yona ya gore yena e be e le moapostola wa Gago. Bjale Paulo o tšerwe go tloga go rena, eupša e sego Mohlahli, Yena o sa le fa. Gomme, Modimo, ke a rapela gore Wena o tla šegofatša disakatuku tše, gomme a nke Mohlahli a ba etelle pele go ya lefelong, go ineela mola go feleletšego.

165 Re a botšwa gape gore ge Israele ba be ba latela Mohlahli wa bona, gomme ba tla thwi tlase Jorodane, tlase thwi (ke ra gore) Lewatleng le Lehubedu. Gona mo llaeneng ya mošomo ba ile ba emišwa, gomme Mohlahli a ba etela pele tlase kua. Eng? Go laetša letago la Gagwe. Gomme ge ka moka dikholofelo di ile, gomme Modimo a lebelela tlase go kgabola Pilara yela ya Mollo, gomme le lewatle la kgale la go hwa la tšhoga gomme la tokologela morago, gomme fao gwa ba tsela ye e diretšwego Israele go sepelela ka kua go ya nageng ya tshephišo.

166 Ka therešo, Morena, Wena o sa no ba Modimo yo a swanago. Batho ba mohlomongwe ke Bakriste, mohlomongwe ba thwi ka tseleng ya mošomo, eupša ba tlišitšwe ka lefelong la go bewa sekhutlwaneng fao bolwetši bo ba beilego sekhutlwaneng. Lebelela tlase go kgabola Madi a Jesu bošegong bjo, gore diabololo a tšhoge, gomme o tla boela morago, gomme bana ba Gago ba tla fetela ka kua go tshephišo ya pholo ye botse. E fe, Tate. Ke di romela go tšwa mmeleng wa ka go ya go ya bona, Leineng la Jesu Kriste.

167 Ke phagamišetša phuthego ye godimo pele ga Gago, ka tumelo ke ba tšeela tikologong go aletare ya letago ya Modimo ka kua Legodimong. Sebakeng sa tumo efe goba efe ya bolwetši, eng kapa eng ba nago naso seo se fošagetšego, eng kapa eng se fošagetšego ka maphelong a bona mo gohle, Modimo, ba hlwekiše, ba dire ba Gago. Ba fodiše, Tate. Gomme a nke Maatla ao a tsošeditšego Jesu godimo gotšwa lebitleng, a phediše mebele ya bona ye e hwago gomme a ba dire dibopiwa tše mpsha ka go Kriste. Ba fe pholo ye botse le maatla go direla Wena.

168 Nkgopole, O Morena. Ke modiredi wa Gago. Nthuše, ke eme ka go nyakeng thapelo. Gomme ke a rapela gore Moya wo Mokgethwa o tla re hlhla gomme wa re šomiša, gomme wa re eta pele go fihla letšatši le re bonago Jesu Kriste sefahlego ka sefahlego ka go Tleng ga Gagwe ga letago ge re gahlana le Yena moyeng ka Tthatlogo. Leineng la Kriste re a e kgotela. Amene.

Ke a Mo rata, Ke . . . (A le a dira?)
Gobane O nthatile pele,
Gomme a patella phološo ya ka
Godimo ga mohlare wa Khalibari.

169 Bjale, ge le sa ratane mongwe go yo mongwe yo o mmonego, o ya go Mo rata bjang Yo o sa kago wa mmona? Bjale ge re opela *Ke a Mo Rata*, a re feng moagišane wa rena tšhišinyo ya seatla ya lerato go tšwa pelong.

Ke a Mo rata, . . .

Modimo a go šegofatše . . . ? . . . Modimo a go šegofatše . . . ? . . .
Modimo a go šegofatše . . . ? . . . Modimo a go šegofatše Ngwanešu
Neville . . . ? . . . Uh-huh. Modimo a šegofatše phuthego . . . ? . . .

Godimo ga mohlare wa Khalibari.

Bjale a re emišetšeng diatla tša lena go Yena.

Ke a Mo rata, ke a Mo rata
Gobane O nthatile pele
Gomme a patella phološo ya ka
Godimo ga mohlare wa Khalibari

170 Kopelo ye botse, a le nyaka go kwa e tee? Ke a kwišiša gore le na le moetapele wa koša tša baebangedi fa go tšwa Indianapolis. Ke a dumela o opela Tabarenkeleng ya Cadle. A seo ke therešo? Tšohle gabotse, mohlomphegi. Leo ke lefelo la gagwe ka Tabarenkeleng ya Cadle. Ke maloko a makae a elelwago E. Howard Cadle? Oo, nna! Modimo a khutšiše soulo ya gagwe ye bohlokwa. Nonyana ya go kwera ya moya, mosadi yo ke ratago go mo kwa a e opela, bokaone go feta mang kapa mang ke nyakilego nka mo kwa a e opela ka bophelong bja ka, e bile Mdi. Cadle, a opela, “Pele o tlogela kamora ya gago mosong wo, a o kile wa nagana go rapela Leineng la Kriste Mophološi wa rena, bjale ka Kotse lehono?”

171 Thwi go putla mokgotha kua mosong wo mongwe, ka mokhukung wa go tšofala wo monnyane wa kamora tše pedi, ke ile ka emela godimo, ke be ke eya go tsena ka gare gomme ke gotše mollo. Setofo se be se saswe. Gomme ka leka go se thoma, gomme phefo ya tla fase, ya tšutlela selo ntle sefahlego sa ka. Gomme go be go tonya, gomme ke be ke le kgauswi le go gatsela. Gomme go le tšhwaane mo gohle lebatong, gomme nna ka maoto a sego a apara; ke leka go dira setofo se sennyane se sa tshipi gore se thome, setofo se sennyane sa obene ya phaephe godimo ga sona. Gomme ka no . . . Meda le nna re be

re sa tšwa go nyalana lebakanyana gannyane. Gomme ke be ke leka, kota ya kgale e be e kolobile gomme e be e sa swe, gomme ke be ke dutše fale, ka gopola, “Oo, nna! Ke tla leka gape.” Ka swanela ke go ya go šoma, gomme ke butšwetša setofo sela sa kgale ka mokgwa *woo*. Gomme ka fihlella ka kua gomme ka thesela seya le moya ka kua go se gotetša, gomme yena a thoma go opela, “Pele o tlogela kamora ya gago mosong wo, a o kile wa nagana go rapela,” ke ile ka no wela fase godimo ga leboto, “Leineng la Kriste Mophološi wa rena, bjalo ka Kotse lehono?” Oo, ke rata go kwa mosadi yoo bjang!

¹⁷² Ge ke tshela bokagodimo ga noka ye nngwe, ke a dumela ke tla kwa Mdi. Cadle a dutše ka kua fao. Le a tseba, ka mehla ke dirile peelano. Ka thoko ye ya noka, fale go na le Mohlare wo motalaphetelele, le a tseba, Mohlare wa Bophelo; gomme ka kua ka lehlakoring le lengwe la noka, fale go na le khwaere ya Barongwa e opela mosegare le bošego, ka baka la gore ga go na le bošego kua, e opela letšatši ka moka, le a bona. Ke tla ikhweletša lefelo gomme ke no dula morago gomme ke e theetše. Ke a dumela gore ke tla kwa Mdi. Cadle ka kua a opela.

¹⁷³ Modimo a šegofatše ngwana wa borena. Ke lebetše leina la gagwe. Ke eng lona, ngwanešu? [Ngwanešu o re, “Ned Woolman.”—Mor.] Ngwanešu Ned Woolman o tla le opelela bjale. Ngwanešu Woolman, re thabile go ba le wena fa bošegong bjo. [Ngwanešu Woolman o opela *Ntlo ya Borapelelo ya Pelo Ya Ka.*]



MOHLAHLI NST62-1014E
(A Guide)

Molaetša wo ka Ngwanešu William Marrion Branham, setlogong o abilwe ka Seisemane ka Lamorena manthapama, Okotoboro 14, 1962, ka Tabarenekeng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org